

DISPUTATIO JURIDICA INAUGURALIS, 32.^a

DE

EO, QVOD JUSTUM
EST CIRCA NUME-
RUM SUFFRAGIORUM,

UBI

DE CALCULO MINERVÆ:

QVAM

DIVINO FAVENTE NUMINE,
EX DECRETO ET AUTORITATE MAGNIFICI ICTORUM ORDINIS
IN ALMA VIADRINA,

RECTORE MAGNIFICENTISSIMO,

SERENISSIMO PRINCIPE AC DOMINO,

DN. CHRISTIANO ULRICO,
DUCE WURTEMBERGIÆ, TECCIÆ, ET IN SILESIA OELSNE,
COMITE MONTISBELGARDI, DYNASTA HEIDENHEIMII,
STERNBERGÆ ET MEDZIBOHRA, ETC. ETC.

PRÆSIDE

DNO. HENRICO COCCEJO,

AUGUST. AC POTENTISS. REGIS BORUSSIÆ
CONSILIARIO INTIMO,

FACULTATIS JURIDICÆ ORDINARIO, ET ANTECESSORE
PRIMARIO, h. t. DECANO,

DN. FAUTORE AC PATRONO PER OMNEM ÆTATEM SUBMISSE COLENDO:
PRO

SUMMIS IN UTROq; JURE HONORIBUS AC PRIVILE-
GIIS DOCTORALIBUS RITE CONSEQUENDIS,

Publico Excellentissimorum Procerum Examini & Censuræ Placidæ

Ad D. Maji, Horis ante- & pomeridianis An. MDCCV.

Ventilandam submittit

FRANCISCUS MEYER, Bremens.

FRANCOFURTI ad VIADRU, Literis CHRIST. ZEITLERI.

200

THE UNIVERSITY OF CHICAGO
PRESS



DISPUTATIO INAUGURALIS

De

Eo quod justum est circa Numerum
Suffragiorum: ubi de Calculo Minervæ.

PROLEGOMENA.

§. I.



Uanquam summæ Dei ^{Quisq. jus tantum com-}
Clementiæ ac bonitati ab æ-^{petit in suis}
terno benevolè placuerit, o-^{res & alio-}
mnia, quæ in hac universita-^{nes.}
te oculis nostris sese conspi-
cienda præbent, unicè & so-
lius hominis causâ, quem i-
deo facultate rebus terræ u-
tendi in medio terræ sinu lo-
caverat, producere, ut ille
iis uti fruiq; pro lubitu com-
modè posset. *Gen. 1. v. 29.* Non

tamen indistinctè ac prorsus absolute hanc ipsi facultatem
tribuere voluit Supremum Numen; sed ita, ut salva ac in-
tegra alterius facultas naturalis permaneret: Cum enim jus
omne in terram non sit datum uni, sed omnibus simul, ut
esset communis quædam possessio, teste Ambrosio *Lib. 1. Off.*
c. 28. neque singuli tantum, sed omnes omnino homines ea-
dem facultate, iisdemque idcirco juribus gaudeant, aperte
constat, non ita laxos, quales sibi Hobbefius *ex jure*, ut vo-
cat, *omnium in omnia* fingit, potestatis nostræ esse fines, sed

A

cate-

eatenus tantum concessos, quatenus alteri nullum exinde præjudicium obvenit: Quæ causa est, cur vacua tantum occupare, & in his modo, quæ occupatione vel iusta alterius dispositione nostra facta sunt, facultatem istam naturalem licite exercere possimus.

*Hoc proinde
jus etiam
quolibet
quodvis mo-
do potest de-
fendere.*

§. 2. Quoniam ergo voluntas divini Creatoris est, ut illa, quæ citra alterius injuriam intra legitimos concessorum jurium terminos nobis acquisivimus, licite quoque nostro usui ac commoditati inserviant, hoc ipso etiam permisit, ut ius hoc in res & actiones nostras quovis legitimo modo à nobis defendatur: finis quippe impetrari non potest sine mediis, unde hoc concessio media quoque omnia simul concessa intelliguntur. l. 234. §. 2. de V. S. & l. 2. de Jurisd. ubi ita JCT9: Cui jurisdictio data, illi omnia Ea concessa videntur, sine quibus jurisdictio explicari non potuit. Atque adeo & hæc, cum finem Natura concedendo jus in res & actiones nostras posuit, defensionem quoque illius, tanquam unicum & necessarium ad finem illum obtinendum medium, concessit.

*Cum vero
singuli sua
defendere
nequeant,
hæc defen-
sio in alios
potentiores
conferitur.*

§. 3. Licet vero defensio facultatis nostræ nobis legitime à natura sit concessa, quoniam tamen singuli suis rebus ac juribus defendendis non sufficiunt, necessariò plures, qui unitis opibus atque consiliis singulorum jura observarent, e-
lugi debuerunt; Verum quidem est, naturam hominum ita esse comparatam, ut malit sine lege & Imperio aliorum vivere, quam superioribus subjici, attamen, cum non eadem atque æqualis omnium hominum sit potestas, eoque egeni ac imbecilles potentiorum malitiam atque avaritiam meritò extimefcant, duorumque vel trium congregatio securitatem minimè successumque atque fiduciam contra plures, opibus Eorum nefariè inhiantes, possit spondere, idcirco, quò magis aliena ante ab aliorum Imperio hominum natura fuit, eo ardentius spontè ac sine lege superiorum potestatem, quæ amovere injurias & perditos ad frugem compellere possit, est amplexa.

*Hi consen-
sue debent.*

§. 4. Hæc autem administrandæ justitiæ, tuendorumque jurium potestas, cum non tantum uni, sed pluribus, qui
consi-

consilio, imperio ac armis nostræ necessitati succurrant, *ne finis oī*
 quandoque concedatur, horum certè pernecessarius erit *quem illi*
 consensus, quia aliàs defensio jurium & tranquillitas publi- *constituti,*
 ca, tanquam finis naturalis, obtineri non posset: Quantus- *frustrum.*
 cūque enim istorum sit numerus, nisi tamen de optima
 ratione, quā communis defensio ineunda, consentiant, sed
 quisque ex proprio judicio suis instinctibus ac viribus uti ve-
 lit, nihil efficietur: Distracti enim sententiis & in diversa
 tendentes impedimento invicem erunt, cunctaque negotia
 irrita reddentur, juxta illud vulgatum.

Concordiā res parve crescunt, discordiā magna dilabuntur

§. 5. Cū verò naturalis sit illa ingeniorum consili- *Cū verò*
 orumque, quandoque ex invidia aut æmulatione, quibus *naturalis*
 homines sæpe numero inter se contendunt, Philip. Com. in *fit hominum*
 l. 2. *Comment.* nonnunquam ex levitate & inconstantia descen- *dissensus vi-*
 dens diversitas, de qua suo jam tempore questus fuit Plu- *dendū, quo-*
 tarchus de Cap. ex Inimicit. Ut il. p. 91. Omnis, inquit, natura *modo con-*
 humana profert studium rixandi, obrecreationem, & invidiam va- *trariantes*
 norum affectum hominum. Et Poeta: *sententia cō-*
ciliari pos-
sint.

Mille hominum species & rerum discolor usus,

Velle suum cuiq; est, nec voto vivitur uno.

facile contingeret, ut vel nunquam, vel saltem rarò nego-
 tia atque lites dirimerentur, si uno vel altero dissentiente
 tota illico tractatio deficeret. Ne ergo deliberationes, qui-
 bus ipsi inter se agitantur, & lites, quæ distractos subjectorū
 tenent animos, omniaque negotia publica sine exitu sint,
 nec salus Reid. ac civium defensio intercidat, id maximè a-
 gendum erit, ut quantopere possint, contrariantes invicem
 sententiæ conciliantur.

§. 6. Quæ proinde & publicis & privatis negotiis sa- *Quæ consili-*
 luberrima ad voluntatum, quæ primò quidem intuitu discre- *atio præstati-*
 pare videntur, re ipsa autem conveniunt, unionem & dul- *Disputatio-*
 cissimam quasi harmoniam inducendam, suffragiorum dis- *ni anā de-*
 sentientium conciliatio, tanquam unicum medium quo ci- *dit,*
 vibus æque ac Reip. sua possit constare salus, ad præsentem
 disputationem conciliandam ansam præbuit, quam sequenti

me methodo commodè tractaturum pro ingenii mei tenuitate arbitror, si, 3. factis sectionibus; in prima fundamento & juribus pluralitatis suffragiorum discussis, secundæ calculum Minervæ, & denique tertiæ diversarum planè sententiarum conjunctionem vel disjunctionem commiserò.

SECTIO I. De Pluralitate Suffragiorum.

§. I.

*Juris N. est
ut majora
suffragia
prævalcant,
1) quia nullū
aliud reme-
dium appa-
ret, quo plu-
rium dissen-
sus ad concor-
diam pos-
si redigi.*



Idimus in Prolegomenis, unicam & solam rationem, cur certis personis summa rerum in Republ. sit collata, esse tuitionem jurium, defensionem civium, atque administrationem justitiæ, quod præclare innuit Ictus in l. 2. §. 13. de Orig. juris. cùm inquit, *Quantum est jus in civitate esse nisi sine qui jura regere possint?* Quæ ratio cùm descendat ex ipsa voluntate DEI, qui nullo alio fine jus in terram, jus in res & actiones suas homini largiter concessit, quàm ut id in tuos usus atque utilitatem convertere, impediens verò vel per se, vel per superiores repellere possit, necessariò sequitur, juxta *Pos. Illi Dn. Præf. 4. n. 4.* omnia illa media, quibus officium hoc superiorum peragitur, & sine quibus plurium dissensus ad concordiam nequit redigi, esse juris Naturalis. Cùm verò nullum aliud commodius remedium appareat, quò celerius ac felicius deliberationes ad optatum exitum deduci, civium negotia commodè decidi, exerceri inviolabiliter possit justitia, quàm ut decisio litium atque negotiorum majorem suffragiorum sequatur partem, omnino liquet, hanc ipsam quoque juris N. veram & indubitatam esse regulam ac legem. Præclare Seneca l. 7. *Ep. 12. Numeranda, inquit, sententia, non ponderanda, nec aliud*

(5.)

in publico consilio fieri potest, in quo nihil est tam inaequale quàm equalitas ipsa, cum, si impar omnium prudentia, par tamen omnium jus sit. Et nervosè Plinius in Panegyr. suo: Melius omnibus quàm singulis creditur, Singuli enim decipere & decipi possunt, nemo autem omnes, neminem omnes fefellerunt.

§. 2. Nec movet, quòd ratio decidendi potiùs in ipsa rei veritate aut negotii utilitate, quàm in pluralitate votorum (sit venia ubique verbo) fundata esse debeat, naturæque convenientius sit, ut quod prudentioribus placuit, præferatur ei quod à minus prudentibus descendit; contrà eidem repugnet, ut imperitorum sententia sapientissima aliorum consilia superent, cum sæpius contingat, ut pauciorum sententia Reip. utilior ac salutarior sit plurium assensione, uti id Seneca testatur de Vita Beata cap. 2. Non tam bene cum rebus humanis agitur, ut meliora pluribus placeant. Et Liv. l. 21. c. 4. Pauci & sermo optimus quisque Hannoni assentiebantur, sed, ut plerumque fit, major pars meliorem vicit. Equidem, distinguendum est Theoreticas inter & Practicas deliberationes: quo posito omne facile dubium tolli potest. Aut enim speculative in negotio quodam tantum versamur, deque sola veritate illultranda ac eruenda solliciti sumus, quo in casu, cum nulum inde damnum Reip. suboriatur, facile Eorum, qui veritatem potiùs, quàm plurium falsas inspiciunt consultationes, sententiam amplectimur. In veri enim investigatione, inquit Ambros. 1. Off. c. 16. illud tenendum quod decorum, ut summo studio requiratur quid verum sit, non falsa pro veris ducere, non obscuris vera involvere, non superfluis vel implexis atque ambiguis occupare animum Et Justinus Martyr. Apolog. 1. pro Christo pr. Non magis colendus, ait; plurisque faciendus est homo, quam veritas. Unde & Princeps qui laudabiliter in rebus magni præjudicii Consiliarios suos convocat, & singulorum consilia exquirat, non tenetur id eligere, quod pars Consiliariorum major suadet, sed tutius consultantium consilia ponderat quàm numerat. Petr. Greg. Tholos. de Rep. L. 2. c. ult. n. 4. At verò, si practicè non ipsam tantummodo veritatem, sed exitum simul controversiarum ac negotiorum spectemus,

Resolvitur
obectio veritatem potius esse inspicendam, quàm numerum suffragiorum.

jure merito summa rerum plurium consensu peragitur, quoniam alias nec regi societas posset, nec negotia expediri, *arg. l. 2. §. 9. de Orig. Jur. & deliberationes nullo plane, vel saltem difficiles fortirentur eventus, Mev. ad Jus Lub. l. 1. tit. 1. art. 2. §. 11. & seqq. Faber in Cod. l. 1. tit. 7. def. 2.* Quis enim hic iudicium ferret, utra verior esset sententia, utra prudentior? Non sane ipsæ partes dissidentes, cum sua cuique prudentia magis placeat, quam aliena; nec superior, quia supponimus casum, quo unice tractatio negotiorum à Collegio quopiam dependet.

Unde sequitur Communis Doctorum Opiniones non præjudicare legibus.

§. 3. Atque hinc facile corruiat quaestio illa adeo strenuè inter Veteres Jctos Coratium Nevizanum, Benedictum de Capra, aliosque quos Autor Thesauri Comm. Opin. recenset, agitata, num injuris interpretatione causarumque decisionibus communes, quas vocant, DD. opiniones præferendæ sint Legum Veritati, an hæc illis prævaleat. Equidem, cum Doctores in discutiendis legum veritatibus ac rationibus, non decidendis civium negotiis versentur, constat omnino, veriorē potius sententiam quam congruentes plurium sententias præferri oportere, per *l. 1. §. 6. C. de Ver. Jur. Fnucl.* ubi Imp. ita iudices alloquitur. *Sed neque ex multitudine Autorum quod melius & æquius est judicatore, cum possit unius forsitan & deterioris sententia multas & majores in aliqua parte superare. Nec tam quis aut quot dicant, sed quid dicatur, ponderandum est. Cap. 2. Distinct. 19.* Tantumque credendum Doctoribus quantum probant. Conf. Bart. in *l. 9. §. liberationis. n. 7. de liber. leg.* Et Colerum de *Process. Executiv. part. 1. cap. 1. n. 41.* Accedit, quod Doctores sapissime apud instar regulas suas cæco impetu, non attentā demum legis ratione Vett. Interpp. sequantur, quo tamen legibus ac rationibus earum præjudicare nequaquam possunt. Menoch. 2. *Præsumt. 71. n. 40.* Cothman. *Consil. 1. n. 282. & seq.* Quin cum inter ipsos Doctores nondum constet, quænam sit communis opinio, sed Communis quandoque contra Communem allegetur, Hieron. de Cavall. *Inspec. Comm. Opin. contra Comm.* quam fragile erit atque incertum, communibus Opinionibus

bus

bis adhaerere, veritatemque non juxta gravitatem sed pluralitatem Doctorum metiri? Hinc optimè Zasius l. 2. *Sing. Respons. c. 1. num. 26. in fin. & n. 27.* Nihil, inquit apud me loci habet harum ipsarum Opinionum, quæ circumferuntur, auctoritas, nisi juris scripti Veritas eas ornet, & ad id neutiquam adstrictus esse volo, ut eurem, quid alii dixerint, sed potius quid ex veritate duci possit.

§. 4. Aliter autem in iis corporibus sese res habet, quæ ^{Pluraliter} suffragiorum dirimendis litibus ac consultationibus de Rep. occupantur: ^{suffragiorum} probatur (2. Hæc enim cum non nudam tantum veritatem, sed decisio- ^{exinde, quia} nem quoque negotii propositam sibi habeant, id maxime ^{negotia vel} agere debent, ut deliberationes ad finem desideratum ducantur: Hoc verò, nisi plurium suffragia observemus, neutiquam ^{secundum} continget: Licet enim Collegii fortasse membra invicem ^{unum vel} præmineant, in Collegio tamen æquali jure ac dignitate pol- ^{paucos vel} lent, & hinc eodem privilegio gaudere debent, nec attentat ^{plures sunt} personarum diversitate minus digni digniorum partes sequi, ^{decidenda.} suamque sententiam aliorum voluntati subicere cogi possunt, ^{Hoc ultimū} ^{autē tñum} ^{est juris. Ni.} secundum ea quæ Plinius lib. 6. Ep. 13. refert: *Singulis re integra dissentire fas est, peractâ, quod pluribus placuisset cunctis tenendum.* At cum paria omnium in Collegio sint jura, nec alter alteri cedere, sed suam quisque sententiam tueri velit, quid æquius, quid justius, quam ut quæ numero vicit sententia, eadem quoque rationis pondere superior existimetur? Anton. Faber. in *Cod. Rerum in Sabaud. judicat. l. 1. tit. 7. Def. 2. n. 2.* Taceo contra naturam esse, ut plures paucioribus se submittant, si verò negotia sunt decidenda, sanè vel secundum unius, vel pauciorum, vel plurium consensum decidi debent, quia quartum non datur: non possunt autem secundum unum vel paucos decidi, quia certa ratio est, cur major numerus minori præferatur, nulla autem, cur minor majori, ut canit Prudentius lib. 1. contra Symm.

In paucis jam deficiente caterva

Nec persona sua est Patria. nec curia constat.

Ergo secundum plures. Nam & majori numero minor inest, & eo quid amplius. Hoc enim quod pluribus probatum fuit, in
maioribus

mnibus reperitur : Nam & in Oligarchia & Democratia, quod majori Eorum parti visum fuerit, hoc est ratum. Arist. Pol. l. 4. c. 8.

(3) Quia Collegium consideratur ut persona, cuius sola voluntas inclinat in id ubi fortior ratio est,

§. 5. Porro quemadmodum persona, quæ secum aliquid decidere vult, si varietate rationum ab utraque parte sese offerentium anceps ac dubia reddatur, præponderante unicâ tantum ratione, tota voluntate, non ejus tantummodo parte, in probabiliorem sententiam inclinat, ita & collegium, quamvis ex pluribus constituitur personis, membra tamen reverà unum duntaxat corpus efficiunt, Bald. in l. Quicumq; Column. 3. n. 9. prope fin. & velut unam personam, quæ ideo Hobbessio artificialis, Lauterbachio Mystica dicitur, representant : Hoc ergo corpus, quamdiu paria invenit suffragia, in suspensio relinquitur, nihilque agit, cum primum verò ab altera parte plurium sententiæ coincidunt, in eorum quoq; caltra totum non pro parte tantum transit : unde quod ratio in persona privata, illud suffragia in publica sunt : illa enim, quærens, quid consultum, solam sequitur rationem ; hæc verò, si de jure tuendo agatur, plura sequitur suffragia l. 36. de re jud. Unde lex illa Romanorum, de qua Cælius apud Ciceronem l. 8. Ep. 8. Quod horum judicum major pars judicaverit, ratum esto. Talius in Parat. ff. Quod cujusc. univers. nomine.

4) Quia ubi major pars, ibi regulariter quoq; major perspicacia,

§. 6. Præterea pro majori parte militat hæc juris ratio ac præsumptio naturalis, quòd ubi major pars, ibi major quoque perspicacia, & quòd à multis perfectius haberi possit veritas, quàm à paucis, cum, secundum commune Proverbium, plus videant oculi quàm oculus. arg. l. ult. Cod. de fideic. cap. Prudentiam. de Officio Deleg. Aristoteles l. 3. Pol. c. 7. Quanquam enim, uti supra §. 2. hujus sectionis jam vidimus, aliquando accidat, ut major pars cæco impetu in deterius feratur, teste Phocione, qui, apud Plutarchum in Apophtheg. miratus sententiam suam communi applausu recipi, conversus ad Amicos exclamat : Numnam mihi imprudenti aliquod pravum dictum excidit ? Quoniam tamen in eo, cui in Collegio suffragium conceditur, tantum prudentiæ, ut expediendis negotiis sufficiat, inesse merito judicatur, æquius tutiusq; omni-

no est talem inire rationem, quæ nihil difficultatis aut obscuræ habeat disceptationis, quàm quæ publicam utilitatem & causas ad deliberandum propositas indecisas relinquat; indecisæ verò omnes redderentur, nisi pluralitas suffragiorum sola resisteret. Vid. Puffend. *de Jure N. & G. l. 7. c. 2.*

§. 7. Et denique si nos ipsos intuemur, humanamq; naturam penitus aliquantò inspicimus, quis non libenter exoptat, deficere alio remedio, in sua causa obtinere id, quod major pars ei adjudicavit? Cùm verò juris sit Naturalis, cui Servator ipse anuit Matth. 7. quodque Jcti tot. tit. *Quodgo & contra quisq; juris in alterum inculcant, ut, quod quis probat in se, non possit improbare contra se, probasse autem censeatur jus à pluribus impetratum sibi applicando, æquislimum quoque est, ut hoc majoris partis præsidium in aliis negotiis contra se admittat, idemque in causa aliorum, quod in sua causa impetravit, amplectatur: Osiander ad Grot. l. 2. c. 5. §. 17.*

§. 8. Alii a lias afferunt rationes, qualis illa est Hobbesii *Refertur ratio Hobbesii* *Tr. Leviath. c. 16. in f. quòd negationes & asserctiones invicem tollantur per contradictionem, unde vocem, quæ superest, & cui non contradicitur, pro totius personæ effato habendâ esse judicat, sed sufficere possunt illæ, quas Gloria seculi nostri Perillustr. à Coccejus Præceptor meus omni pietate colendus, cujus nunquam recordor, quin Divinum acumen, & profundissimam omni ex parte Sapientiam submisit venerer, in Lætionibus ad Grotium adduxit, & quas paucis in præsens pro ingenii mei mediocritate attigi.*

§. 9. Grotius quidem l. 2. cap. 5. §. 17. hanc ad huc causam affert, quòd in iis rebus, ob quas societas instituta, plures ideo vincant pauciores, quia nimirum ea credenda est fuisse voluntas in societatem coeuntium, ut ratio aliqua esset *Refellitur ratio Grotii desumpta ab intentione ineuntium societatem,* expedienti negotia, sed meritò hæc ratio rejicitur: Sunt enim quædam Collegia, uti superiorum & Magistratuum, ita comparata, ut majoris partis decreto præcisè stari debeat, adeo ut nec societatem ineuntes, quamvis voluissent, aliter agere potuissent: Quoniam enim juxta Prolegom. §. 3. Magistratus à Natura est, nec pendet ab hominum arbitrio, nisi quatenus

nus liberum fuit divisâ humani generis societate, hunc vel illum constituere, apertè constat, omnia illa sine quibus societas illa à Natura constituta durare ac supereffe nequit, esse juris N. *per poss.* Illustr. Dn. Præf. 4. n. 4. Atqui, nisi minor pars majori cederet, societas, negotiis exitum non fortientibus, tandem interiret. §. 1. huius sect. sequitur ergo, hanc plurium suffragiorum vim non ab intentione amplius societatem contrahentium, sed ab ipsa natura dependere. Gl. & DD. in l. aliud §. refertur de R. J. Wameliſius ad C. Constitutus 45. n. 3. X. de Appell. Besold. Conf. Polit. Axiom. 511. f. 283. Tametsi non negem, dari quoque Collegia, in quibus id solum, quod omnes unanimi consensu declarant atque laudant, observatur. Alexand. Confil. 124. In causa & lite pr. Sed quàm infelici-quandoque successu, Augusta Polonorum Resp., quæ unanimia omnium Nobilium in comitiis regni requirit suffragia, affatim testatur.

*Probatur ul-
terius plu-
ralitas so-
ciorum testi-
moniis.*

§. 10. Ad stipulatur & huic juri Naturali, quo plurium suffragiis tota causæ decisio committitur, omnes ferè Gentes: Nam, ut reliquias taceam, de Græcis equidem ac Romanis id minime dubium est: Ita enim Appianus ἐστὶ δ' ἐν τῇ χειροτονίᾳ καὶ δίκαις αἰεὶ τὸ πλεόν δικαιοτέρον Tam in Comitibus quàm in judiciis vincit major pars. Et Thucydides κύριον εἶναι ὅτι αὐτὸ τὸ πλεόν ψηφίσσεται. Similiter Dionys. Halicarn. ὁ πᾶν δόξη τοῖς πλείοσι τὰ τοῖς νικᾶν Quod pluribus visum id valere. His addi possunt & Livius l. 1. 32. Inde alii rogabantur, quandoque pars major horum, qui aderant, in eandem sententiam ibant, bellum erat, consensu fieri solitum Et A. Gell. Noct. Att. De reo septem iudices cognoscunt, eaque sententia fit rata, quam plures de eo numero dixerint. Quibus annuit Appian. Punic. 35. Audiat hac quoque sententiâ, Senatus poposcit Calculos, Scipio vicis plurimis suffragiis. Plura quidem subjungerem, nisi crederem, ex his juxta ac supra dictis satis superque veritatem hujusrei constare,

*Item exem-
plis.*

§. 11. Quin etiam apud plerosque populos hunc secundum plures judicandi morem obtinuisse, ex multis passim scriptoribus luculenter constat: De Hebræis id inter alios testa-

testatur Commentator quidam ad *Exod. 23. v. 1. 2. 3.* cujus hæc sunt verba: *Verum est, Hebraeos voluisse, sequendam esse multitudinem, qua reum liberare & absolvere cupit, etiamsi unico tantum voto major sit, non verò eandem, si damnet unico tantum voto superior existens: Si lis erat de pecunia, unum votum superius sufficiebat ad absolvendum reum, si de vita hominis, duo ad minimum majora debent esse reliquis.* Idem ab Athenientibus quoque observatum fuit teste Sigonio l. 2. de *Rep. Athen. c. 3. & lib. 3. c. 4.* De Lacedæmoniis idem eleganter ex Plinio refert Aerodius lib. 1. *Rev. judic. c. 21.* In Parlamento Galliarum Parisiensi supremo, quamvis à tempore Ludovici XI. parum Autoritatis habuerit, teste Conring. *Diff. de Comit. §. 4.* & olim & hodie id obtinuisse, ex variis passim Autoribus & imprimis ex Francisci Hottomanni *Franco Gallia c. 27.* abundè patet: Taceo Hispanos, Italos, Lusitanos, Belgas, aliosque, quorum supremi Senatus perpetua hac consuetudine usi fuerunt: Vid. Thesaur. *Dec. 1. n. 25.* Faber in *Cod. Rerum in Sabaud. judic. Lib. 1. tit. 7.* Afflict. *Decis. 1.* Anton. de Gamma *Decis. 1.* Christinaeus *Decis. Belg. Volum. 1. Dec. 8. n. 5. & seqq.* Addatur Klock. lib. 1. *Cons. 35. n. 287.* & Conring. *Diff. de Comitibus §. 4.*

§. 12. Quid ergo dubitemus de Jctis nostris Romanis tam strenuis jurium naturalium, à quibus, non nisi ob summam Reip. necessitatem recessere, defensoribus? Sane ubique ferè, quò nos vertimus, hanc nostram sententiam confirmant: Sic enim Scævola ait in l. 19. ad *Municip.* *Quod major pars curia effecit, pro eo habetur, ac si omnes egerint.* Vid. Birtol. ad h. l. Schurff. *Consil. 59. n. 30. Cent. 1.* Hillig. ad Donell. *Enucleat. l. 27. c. 8. lit. a. in not.* Et Celsus in l. 39. de *Re jud.* *Tres iudices si adsint & unus contra sentiat, statur duorum sententia NB. quid enim minus verum est, omnes judicasse? Quin referri dicitur ad universos, quod publicè per majorem partem fit per l. 160. §. 1. de R. J. l. 2. Quod cujusq. univers.* Unde Ulpianus in l. 17. §. 6. de *Rec. Arbitr.* demonstraturus, melius & tutius esse imparem arbitratorum constitui numerum, hanc addit rationem, quia, si dissentiant, invenitur pars major, cujus arbitrio stabitur. Huc etiam facit lex illa quam sup. §. 5. in f.

Qui hanc perpetuò observarunt.

jam vidimus, & illud, quod Symmachus l. 4. Ep. 27. scribit: *Legem Curia Romana illam fuisse, ut majoris numeri antister Auctoritas.* Eundem Romanorum morem satis confirmat Gruchius l. 1. de Com. Rom. c. 4. p. 133. Sigonius de Antiquit. juris Civ. Rom. c. 14. Et nervose depingit Prudentius l. 11. contra Symmachum his verbis:

*Si Consulta Patrum subsistere Conscriptorum,
Non aliter licitum prisco sub tempore, quam si
Tercentum sensisse Senes legerentur in unum:
Servemus Leges Patrias, infirma minoris
Vox cedat numeri, parvaque in parte fletat.*

Nec in suffragiis tantum, sed in aliis quoque casibus majorem semper partem attenderunt
Juri.

§. 13. Quid? quod non in suffragiis tantum æquitate illam naturalem æquisimi juris Romani Antistites observârunt, sed & in plerisque aliis causis hanc vim majori numero, ut minorem ad se traheret, dedere. Sic tempestate ortâ, ille demum jactus mercium justus est, qui exploratâ prius voluntate Mercatorum omnium aut majoris saltem partis fit. Vinn. ad L. 2. §. 2. ad L. Rhod. & Struvius Ex. 20. §. 17. aut si Mercatores ipsi non adsint, vel præsentem consentire nolint, id juris esse, ut ex reliquorum nautarum majoris partis consilio jactus fiat, Autor est Marquard. de jure Merc. tit. de L. Rhod. & Locc. de jure Maritim. & Navali. l. 11. C. 7. Similiter justam habent causam excusationis, quibus de majori tantum bonorum parte controversia cum pupillo est: l. 21. de Excus. quodque in d. l. de majori parte, hoc in §. 4. l. de Exens. tut. de omnibus bonis prædicatur: Sic & major pars anni tantum attenditur, ut res aliqua fundi esse dicatur vel negetur. l. 18. §. 12. de Instru. Quin, hoc adeo à Doctorebus extenditur, ut major pars Creditorum, modo sint veri Creditores, possit concedere dilationem quinquennalem debitori invita minori parte, dummodo omnes sint præsentem, vel vocati, & decretum superioris interveniat, cum aliâ alter alteri suo facto jus quæsitum auferre non possit, quod eleganter innuit Ulpianus in l. 7. §. 19. de pact. his verb: *Si verò dissentiant, tunc Prætoris partes necessariae sunt, qui NB. decreto suo sequetur majoris partis voluntatem & Papinianus in l. 8. Eod.*

Quod

Quod si, inquit, aequales sint in cumulo debiti, tunc plurium numerus Creditorum preferendus est: Sic denique & Electiones à majori parte fieri debent. Tusc. Concl. 66. lit. E. & factæ à majori parte, factæ dicuntur in plena concordia. Gloss. in Cap. cum olim. verb. Plena de rejud.

§. 14. Equidem & in Imperii Germanici conventibus tam universalibus, quàm particularibus hanc pluralitatem votorum, ceu basin quandam, cui salus ac defensio Reip. & Civium innititur, unicè attendi, ex omnibus ferè Imperii Constitutionibus apparet, Inprimis autem ex R. 7. de anno 1512. §. Es sollen auch die Chur-Fürsten / *ibi: oder mehrentheils aus Ihnen / item R. 1. zu Eslingen de anno 1526. in pr. ibi: Und des me/so durch den mehreren Theil beschlossen würde/folgethyn. R. 1. de anno 1576. §. da dann die Sachen. verb. und bey Mehre- ren gelassen werde.* Eandemque etiam Electores in novi Imp. electione ex sanctione Caroli IV. in A. Bull. tit. 2. §. und wann. & §. wann aber sie / *ibi: Als ob die Wahl von Ihnen allen. inviolabiliter attendunt: Quamobrem, cùm Papa Episcopo Bambergensi potestatem concederet, ut civitates Germaniæ, quæ Ludovico IV. Imperiale fastigium & jura Majestatis strenuè contra Papam defendenti addictæ essent, ab excommunicatione solveret, eâ lege, ut Ludovicum pro hæretico haberent, ac ut pro hæresi perniciosissima agnoscerent, si quis Imperatori jus quoddam in Pontificem tribueret, jure meritoque Civitates Imperii, & inprimis Basilienses, teste Albert. Argentin. ad annum. 1348. Episcopo Bambergensi responderunt: Sciatis, quòd non velimus credere, Ludovicum fuisse hæreticum, sed NB. quem major pars Imp. dederit, pro tali habemus, etsi non sit approbatus à Pontifice. Nec adversatur, quòd Imp. eligendus sit concorditer per Reichs- Absch. de anno 1566. in pr. durch Unser und des H. Reichs-Chur-Fürsten einhellige Wahl. Nam vox Einhellig non ad singulos. sed ad totum Collegium vel majorem ejus partem refertur; nec enim hic concordia requiritur respectu singulorum, sed respectu totius actus, ad cujus perfectionem etiam majoris partis concordia sufficit ad. Rec. Imp. Ita per majora*

*In omnibus
conventibus
imperii illa
etiam atten-
ditur.*

Collegii Electoralis anno 1697. Sextus secularis Electoratus cum non suffragio constitutus, atq; in Serenissimum Principem Ernestum Augustum ratione Ducatus Brunsvicensis ac Luneburgensis collatus est. Perillust. Dn. Præf. in *Jure Publ.* c. 13. §. 3. Et hinc apparet quoque ratio, cur in Comitibus Deputatorum olim, cum quatuor Romano Catholici Electores essent, & Tres Evangelici, hi alternatim quartum suffragium tulerint, cui conveniens & fas est, ut, cum deinde 6. essent Pontificii & 2. tantum Evangelici, hisce duobus tergemina vota competant: Quoniam enim in his Comitibus non unanimibus, sed plurium suffragiis semper concluditur, Pontificii, utpote numero potiores, Evangelicos semper superarent, quod extimescendum non foret, si majora in Deputationibus non attenderentur.

*Pontifices in
Electione nō
attendunt
majora, nisi
etiam sint
saniora.*

§. 15. Perquisitis igitur omnium fere Gentium unanimibus hac de re suffragiis, audiamus quoque Pontificios, Eorumque sententiam, quanta fieri potest brevitate, exploremus: hi vero hoc jus N. quasi supplere, nimiaque superstitione ei aliquid addere non dubitarunt: Putant nimirum non numerum tantum hic inspiciendum, sed rationem etiam, cui numerus iste innititur, esse ponderandam; Unde, licet Juris Gent. ac Juris Publici sit, ut ille videatur electus, in quem major pars consensit, Canones tamen constituerunt, ut ille demum electus censeretur, quem major & sanior pars elegerit, uti id luculenter apparet ex c. 21. verb. *Cum constet Electionem de Præposito memorato à majori & saniori parte Capituli celebratam fuisse. & c. 22. 35. x. de Elect.* Quod tamen ita limitant, ut minor pars, quæ sanior, rationabiliter contradicens, actus à majori gestos possit quidem irritos reddere, non vero ideo prævaleat, quod patet ex omnibus textibus, ubi copulativè semper major & sanior pars ponitur: c. 1. *de his quæ fiunt à Maj. part.* ut proinde infringere quidem pars minor possit, quod à Majori constitutum est, *arg. c. 6. X. de Rebus Ecclesia alienand.* non autem suis suffragiis vigorem dare negotio, nisi unico in casu, quo major pars indignum in ordinibus scienter elegerit c. 22. x. *de Elect.* ubi à minori parte Electus præfertur Electo à majori parte, ideo, quod hac dolose ac fraudulentè

ter negotia tractando Electione ista indignam se reddidisset.

Klock. *Consil.* 35. §. 352. & seqq.

§. 16. Quænam verò dicatur major, quænam sanior ^{QUAMATA} pars, operæ pretium non duco, ut explicem: Major quippe ^{pars dicatur} pars respectu numeri: Johan de Anan. *Consil.* 62. *Colum.* 3. verb. ^{major & sanior.} circa secundum. Sanior autem pars respectu Autoritatis, Zeli atq; meriti dicitur. c. 9. de *Elect.* in *Sexto.* Johan. Anan. d. l. Ut proinde ii, qui vel in majoribus ordinibus constituti, vel ordine, ætate atque ordinatione reliquis sunt potiores, vel etiam doctrinâ autoritate & experientia cæteros superant, si majorem quoque numerum conficiunt, Sanior & major pars dicantur.

§. 17. Quæritur autem, an absurda prorsus hæc canonum sit constitutio, an verò aliquatenus tolerari & subsistere queat. Verum quidem est, quod abstractè a Jure Canonico, iisque conventibus, qui provocationem ad superiorem admittunt, hæc sententia esset iniquissima, juriq; & Naturali & Gentium maximè contraria, quia pluralitas ideo attenditur, ut eò melius lites possint decidi, ejusmodi autem constitutio potius ad eas implicandas, quam explicandas faceret, cum infinitæ semper super futurâ essent quæstiones, utra sententia sanior, & quænam Collegii membra reliquis eruditione, prudentia, autoritate, &c. præferenda. Quoniam enim ea hominum natura est, ut quisq; sibi blandiatur suamq; sententiam nullis rationibus vinci atq; superari posse existimet, cum, ut nervosè J. C. tus: *Communiter homines de se & de sua perfectione plus sperent, quàm in iis est*, quis quæso de ratione, æquitate ac justitia alterutrius sententiæ judicaret, quid non monstri & rixarum esset metuumdum, si singuli sua suffragia rationabiliora dicerent, ac potius de sua dignitate ac eruditione, quàm de ipso negotio disceptarent. Peractis enim suffragiis, tantum abest, ut sopita, ut jam multò major, quàm ante suffragia & geminata lis sit. Attamen, cum Canones Pontificem tantquam superiorem agnoscant, quippe ex illorum hypotheti, si forsan dubitetur, quænam opinio æquitate alteram superet, possit declarare, quænam pars sit sanior, juxta ea, quæ asseruntur in *Cap. 6. in f. x. de Electione* verb: *Quia quod in iis dubium venerit* ^{Approbat hæc Pontificiorum sententia.}

venerit, superioris poterit iudicio decidi: ejusmodi sententiam, tanquam jus positivum, admitti quidem posse, sed tamen eo ipso jus & libertatem suffragiorum Collegio auferri facile inter omnes constat: Gratianus c. 36. Distinct. 62.

*In postulati-
one concordæ
omnium sen-
tentiam re-
quirunt
Pontificii.*

§. 18. Singularior verò adhuc est sententia Pontificiorum in postulatione, quâ Capitulum superiorem rogat, ut eum, qui ob defectum eligi non potest, admittat in futurum ac si ritè electus esset. Hic enim, optima quamvis ratione suffulti sint, ne quidem plurium, etiam si saniores sint, attendunt vota, sed concordem omnium requirunt sententiam: Quia enim postulatio non est juris, sed meri arbitrii & gratiæ, *d. c. 3. x. de Postul. verb: Non tam ex justitia quam gratia.* ad impetrandam ejusmodi incapaci gratiam, non sufficit, ut major ac superior tantum Capituli pars in postulationem consentiat, sed hæc potius ab omnibus simul fieri debet, quod apparet ex *d. cap. 3. verb: Unanimiter.* Accedit, quòd contra Statuta Canonica ejusmodi incapax reliquis invitis obtrudi non possit, maximè, cum postulatio fiat per modum precum, ad quas præstandas nemo adigi & compelli potest: perinde ac in jure nostro Civili olim ex fideicommissis nullum jus oriebatur, nullaque in fiduciario obligatio erat ad fideicommissum præstandum, donec §. 1. I. de fideic. hered. à Divo Augusto expressè constitutum, ut talia fideicommissa vim obligationis in herede induerent: Unde liquet, quòd superior quidem electionem confirmare teneatur, non verò postulationem, quippe quæ solas preces, nec quicquam juris continet, ut proinde postulatio à superiore, nisi omnes unanimiter consentiant, admitti nequeat.

*Pro concor-
de etiam
habetur
pars duplo
major.*

§. 19. Quoniam verò, si unus vel alter, non tam ex æquitate quam malitia ac invidia contradicendo postulationem ferè unanimiter factam posset reddere irritam, facile contingeret, ut Ecclesia tali Prælato, qui forsàn, non attento illo defectu, aliàs commodus ipsi esset, destitueretur, jure meritoque Canones electâ mediâ viâ, hoc ita temperarunt, ut postulantium pars duplo major sufficeret, id quod *ex c. 3. x. de postul.* abunde constat, ubi quidem asseritur, quòd major pars non debe-

debeat admitti, verum in subjectis dicitur, quod duplo major attendatur, idque omnium clarissimè refertur in *Cap. 40. X. de Elect.* verb: *Quod si ad faciendum duplo majorem.* Et paulo post: *Si vero numerus postulantium inventus fuerit duplo major.* Et ejusmodi sententia, quæ duplo majorem pro se partem habet, adeo concors & unanimes habetur in jure Canon: ut ipsi electioni præferatur *Cap. 40. x. de Elect.* nec ratione Zeli, sanitatis aut meriti ullo modo infringi aut vinci possit, quod clarè infertur ex *c. 6. X. de Elect.* ubi electus hoc modo in Romanum Pontificem, nullà obstante exceptione Papa est, adeo, ut qui contra ejusmodi decisum quid molitur cum *Datham & Abiram* portionem accipere jubeatur. *d. c. 6.* Idem & in *Cap. si quando 9. de Elect.* in *Sexto* affirmatur, ubi tamen hæc limitatio additur, nisi tale quid obijciatur à reliquis, quod votum ejus, cui opponitur, redderet ipso jure nullum. Videantur *Alex. Consil. 224.* In re tam gravi num. 5. vers. *Accidit etiam lib. 6.* *Tusch. Conclus. 65. verb.* *Electio à Majori & Saniori parte debet fieri.*

§. 20. Quamvis ergò ex iis, quæ dicta sunt, liquidò & aperte constat, Conclusionem, ut ajunt, per Majora (quæ hinc voce uti licebit) non tantum esse juris Naturalis, sed Gentium etiam ac Civilis, & paucis tantum casibus Jus Canonicum ab ea deflectere, non tamen id attenditur, quando res, de qua agitur, pertinet ad universitatem, non quàm universitatem, sed quàm singulos: Bartolus ad *L. quod Major. ff. ad Municip.* quo casu unanimes omnium approbatio adesse debet: Quod ut intelligatur, notanda sunt duplicia jura societatis, publica ac privata: hæc singulis & quatenus seorsim, non ut membra Collegii considerantur, competunt, eaque retinent, etiam si societate illa recedant; Illa verò sunt jura totius universitatis, & de his nemo nisi membrum istius Collegii participat, nec, si discedat, ea retinet, quia cuivis tanquam membro Collegii ea inhaerent. De his ergo intelligenda sunt ea, quæ supra fusiùs explicavimus, non de illis, quippe quæ assensum requirunt omnium, quia,

Prima Exceptio, ubi majora non concludunt, est, quando res ad universitatem pertinet, quæ singulos spectat.

quā, quod omnes tangit, ab omnibus quoque approbari debet *Cap. quod omnes tangit de R. J. in Sexto. l. 11. ff. de Serv. prad. Rust. l. f. C. de Auror. Prastand. Faber in Cod. l. 9. tit. 20. Des. 18.* Et in pari causa melior est ratio prohibentis *l. 28. ff. Comm. Divid. & ibi Gloss. Cap. In Re Communi de R. J. in Sexto.* Adeo, ut si 100. essent, quorum approbatio petitur, 99. uni dissentienti prajudicare non possent *arg. d. l. 11. de Serv. Rust. & l. 8. de Pactis.* Conferantur DD. apud Klock. *Consil. 35. n. 307. & seqq. & num. 329. & seqq.* Accedit, quod nemo ex facto alterius prajgravari debeat. *L. si quis suo §. Legis C. de Inoff. testam. Menoch. de Arb. Judic. quæst. cas. 504. n. 24.* quod fieret, si alii nostram voluntatem sibi subjicere & jus nobis quæsitum auferre possent.

Hinc majora tota non attenduntur, quando status ut unum corpus spectari nequeunt.

§. 21. Unde sequitur, quod, quoties status ut unum corpus spectari non possunt, majora quoque non valeant. Illustr. Dn. Præf. in *Jure Publ. c. 20. §. 36. n. 3.* Hoc enim est fundamentum & primaria quasi ratio, quod, si jus pertineat non ad Collegium quātale, sed ad singulos, per majora jus quæsitum auferri non possit, sed per unanimia: v. g. si quærat, an hic vel ille Status juribus regalibus in suo territorio gaudet, hæc enim ad jura cujusque status separatim spectant, non ad causam Imperii in genere, ut bellum, pax, fœdera &c. Similiter in alienationibus rerum Ecclesiasticarum, ob majoris partis consensum minor hos actus approbare invita non tenetur. Baldus in *L. Etiam. n. 28. C. de Execut. Rei jud.* Et quæ sexcenta alia deduci inde possent, de quibus videri potest Klock. *dd. II. & Tusch. Conclus. 15. verb. major pars nil operatur.* Id tantum addam, quod apud Petrum Svavem *Histor. Concil. Trident. l. 4. p. m. 788.* extat, ubi Parlamenti Parisiensis hæc habetur sententia; *Totius universitatis auctoritatem ad majorem partem transferri, cum causa omnium est communis, & singulos non attingit; verum, quando tota causa ad omnes spectat, & sua singulis pars debetur, hoc casu uniuscujusque consensum esse necessarium, & prohibentis conditionem potiore, atque absentes, nisi suffragantes, minime obligari.*

§. 22. Atque hinc decidenda venit intricatissima illa *Quæstio: an in Collectis Imperii pluralitas, an verò unanimitas suffragiorum obtineat?* Prius affirmat Reinking. *de Regim. Secul. l. 1. Class. s. c. 8. n. 72.* postea contrà Wahremundus ab Ehrenberg. *de Regni subsid. & Oner. subdit. c. 5. n. 53.* Et certè ambiguum videtur, an status hîc considerentur ut unum Corpus, cùm causâ Collectarum ad Universum Imperium pertineat, an ut singuli, cùm de suo, liberâ Voluntate & Consensu eas solvant; quâobrem hæc quæstio acerrimis contentionibus adeo ventillata ac involuta fuit, ut in Pace Osnabr. art. 5. expressè constitutum, ut, quoniam decidi in isto congressu non posset, ad proxima Comitia remitteretur; Iverunt namque Ordines Imperii in 3 diversas sententias, & Augustis quidem Archi Principibus quodammodo pluralitas votorum placuit, quibus in Senatu Principum Romano Catholici quoque, sed sub hac lege assenserunt, ut ordo prius ac iusta oneris proportio inter Status determinaretur: Limn: Enecl: l. 4. c. 72. §. 49. Contrà Evangelici necessarias inter & voluntarias Imperii Collectas distinguendum esse existimârunt, & in illis quidem pluralitatem suffragiorum concesserunt, quòd mora trahi, nisi cum maximo Reip. detrimento, non posset, at in his consensum omnium necessarium esse duxerunt. Civitates denique aliam longe sententiam amplexæ sunt, & in actibus universitatis, ubi de rebus non ut universitatem, sed ut singulos concernentibus tractatur, majoris partis approbatione non fuere contentæ, sed omnium omnino assensionem requiliverunt, opinantes, idem jus, quod in causâ religionis observatur, & hîc commodè applicari posse, iniquûmque videri, suffragiis aliorum, qui minus sæpe oneris sustinent, & exiguum tantum summam solvunt, nostris opibus fieri præjudicium, & quas alias Limn: tom. 5. *Juris Publ. l. 9. c. 1. n. 182.* affert rationes.

§. 23. Equidem, licèt hæc sententiæ omnes satis firmis *Distinguen-* nitantur argumentis, cùm pro Electoribus ac Principibus Ca- *diu videtur* tholicis militet, quòd causâ, ob quam Collectæ indicuntur, *inter neces-* *sarias ac vo-* *luntarias* *Collectas,*

non planè ad singulos pertineat, sed universum quoq; Imperiū concernat, Civitates vero se fundent in eo quòd de cuiusq; Itatus onere hīc agatur, proindeque invito jus quælitum auferri non possit, subscribit tamen Conringius Evangelicorum Principum opinioni & distinguit inter necessarias & voluntarias contributiones: In his unanimia requiri jam traditis consonum videtur: Licet enim causa, ob quam exiguntur, sit publica, adeoque major pars meritò prævalere debeat, quoniam tamen hīc agitur de auferenda re, ad quam Status neutiquam tenentur, sed quam liberrima voluntate de suo contribunt, eapropter & Eorum omnium, qui contribuere debent, consensus explorandus omnino videtur, ne jus quæsitum, hoc præsertim casu, ubi vel nulla, vel saltem dubia Reip. est necessitas, citra proprium factum alicui auferatur: Ne tamen idem quoque ad necessaria Reip. onera applicetur, hæc ratio movet, quod Resp. sint juris Naturalis & proinde omnia, sine quibus illæ labefactarentur aut corruerent, quod fieret, si contributiones necessariae negligerentur, ut adeo omnes, qui in Rep. sunt, si necessitas immineat, ad eas conferendas naturali jure teneantur. Jam verò, quoniam vel rarò admodum contingeret, ut collectæ necessariae justo tempore haberentur, si ab unius aut quorundam voluntate dependeret, quid, quantumque tribuendum sit, dicendum videtur, Salutis publicæ causâ, hoc in casu pluralitatem suffragiorum sufficere. Caterum in omnibus sententiis aliquid invenitur præclari, sed nos in re publicè agitata, judicium magis suspendimus.

*Ex eadem
ratione nec
majora con-
stituendis
vectigalibus
sufficiunt.*

§. 24. Ex eodem ergo fonte decidenda quoque est illa quæstio, quæ circa constitutionem atque concessionem vectigalium movetur; Equidem non omnium omnino Statuum, sed Imp. tantum & Procerum consensum in iis constituendis requiri, ex multis passim Recensibus Imp. probatur, & imprimis ex R. F. de anno 1576. §. Weiters sind wir auch & seqq; Capit. Leop. art. 21. & seqq. Capit. Jos. art. 20. Conf. Ill. Str. Cocc. in Juris Publ. prudentia c. 14. §. 9. & c. 23. §. 44. It. Colerus de Jure Imp. Germ. Conclus. 31. artic. 18. Sed quod

quod maximè quæritur, illud est, an Electorum unanimis consensus eliciendus, an verò pluralitas suffragiorum attendatur: Prius decisum tandem est Capitul. Leopold, *art. 21.* & consequens est eorum, quæ antè dicta sunt. Nam, quoniam vectigal non subditorum tantum, sed & vicinorum, imò omnium, qui per loca hæc transeunt, onus est, eoque statuum etiam, quæ singulorum jura infringuntur, optimè constitutum fuit, ut non majoris tantum partis Electorum habeatur ratio, sed concors planè omnium adsit sententia, cum omnium alias statuum, quos Electores in his aliisque negotiis suo jure repræsentant, consensus fuisset necessarius.

§. 25. Huc pertinet etiam indecisa hætenus &, vel *Nes articulus Pacis Westphal.* ob rei momentum, vel difficultatem, ad Comitiam rejecta *propter eandem rationem* controversia, An articulus Pacis Westph. vel lex Imperii, ex qua jus forte Statui quælitum est, per majora mutari possit: *Grundfest part. 3. c. 7.* Et sanè, si ad illud tantum principium recurram, quod jus quælitum nec per majora, nec unanimia, nisi & is, cui hoc adimitur, consentiat, auferri prohibet, tota hæc quæstio, quamvis difficilior, suâ tamen sponte facile, corruet; Perinde enim, ut in dominiis privatis, neglecto cōsensu ejus, cujus jus est, legitimos nostræ facultatis, terminos transgredimur, suum alteri auferendo, ita & hîc, ubi status, non ut universitas sed singuli, quibus peculiare ex pace jus datum est, spectantur, iniquissimum est, jura iis ex pacto vel transactione (pacis quippe articulus inter status valet, non ut lex, sed ut pactio:) legitimè quæsitâ, citra Eorum dispositionem eripere. Alia autem quæstio est, cuinam interpretatio illius Pacis & mutatio legis, ex qua nemini fortè statuum jus adhuc quælitum, competat? Certe hoc casu non alienus sum ab eorum sententia, qui Comitibus id vindicant, cum ejus tantum sit interpretari leges, cujus est condere, Minimè itaque Cameræ, quoniam hæc caulis privatorum, non publicis Imperii negotiis præpolita: sed unice illud statibus, idque per majora attribuendum erit, nisi natura negotii adversetur & unanimia omnium suffragia delideret, uti sunt causæ religionis & Ecclesiasticæ, de quibus §. 32. 33. 34.

*Secunda ex-
ceptio est in
iis Collegiis,
ubi quisque
jus agendi
habet in so-
lidum,*

§. 26. Alia exceptio, ubi pluralitas votorum non attenditur, est in iis Collegiis, in quibus quisque jus agendi habet in solidum: Uti enim in iis Corporibus, quorum membra, non singula per se, sed junctim summa potestate gaudent, pars major ad se trahit minorem, ne finis, ob quem hujusmodi Collegium constitutum, frustretur, ita è contrario hic, ubi non penes Collegium, sed penes singulos est summa potestas, unius dissensus sufficit ad cæterorum negotia impedienda, quia non potest pars major vel minor spectari, ubi cuique jus in solidum est, tum enim alter tantundem juris habet ad prohibendum, ac alter ad agendum: Exemplum habemus in tutoribus; Hi enim etsi omnes nullâ factâ divisione, administrationem in se susceperint, non tamen necesse est, ut omne negotium per omnes tutores & omnibus præsentibus geratur, quia quisque tutor est in solidum, verum, si gerenti unus vel alter contradicat, non valet quod actum est, etiamsi ab una parte plurimi conveniant, quia in communi causa melior est conditio prohibentis: Igitur quisque tutor jus gerendi quidem habet in solidum, sed ita, ut alterutro invito nihil geri possit. Idem quoque obtinet in Rep. Belgica & Helvetica, sive de Pace, sive de bello, seu de commerciis agatur, quia unaquæque Provincia Majestate ac summis juribus in solidum gaudet, uti id de fœderato Belgio testatur Temple dans ses Remarques sur les Provinces Unies c. p. 152. qui tamen in eo peccat, quòd non hanc quam nos sed eam adducat rationem, quod fœdera, pax, bellum, res monetaria &c. sint res magni momenti, cum tamen, quò majoris ponderis sunt negotia, eò faciliores in sequendis plurium suffragiis esse deceat, ne propter eorum moram detrimentum quoddam in Remp redundet: Verba autem ejus hæc sunt. *C'est la manière, dont on en use en toutes les affaires ordinaires qui se présentent à Eux: A la réserve des affaires, de la paix & de la guerre, des alliances, de battre la Monnoye, ou d'en Changer la Valeur, ou d'alterer le Privilege de quelqu'une des Provinces, ou membres de l'union: car en toutes ces cas, il faut nécessairement, que le Consentement Unanime de toutes les Provinces*

vines y intervienne, & l'on n'y considere point de tout la pluralite. Et in pr. d. cap. Il y a plusieurs choses, qui ne peuvent pas estre Conclues dans les Assemblies des Etats de la Province à la pluralite, mais seulement du consentement unanime de toutes les voix.

§. 27. Alia denuo Exceptio, ubi majora non respiciuntur, est, quando omnibus Collegii membris, quæ jure vocari debuissent, conventus Collegii non fuit denunciatus: jure debuerunt enim, si judicium apud Senatum vel aliud corpus sit, non præcise omnium requiratur præsentia, cum singuli ibi non judicent, sed corpus, quod præsentatur à Præsentibus & vel in uno conservatur, etsi à tribus tantum inchoari possit, l. 7. §. 2. quod Cujus. univers. nom. iniquum tamen est, & contra intentionem societatem ineuntium, absentes coitione ac conspiratione plurium juribus suis, quibus ignorantes renunciâsse dici non possunt, citra culpam privari, ut proinde hoc in casu, cum totus actus omnibus non vocatis, nullus sit, præsentium etiam pars major concludere nihil valide possit.

§. 28. Hinc verò insignis illa quæstio exsurgit, an uno vel altero Electore ad Electionem Rom: Regis non vocato, Electio idcirco retractari ac annullari possit? Reinking. l. 1. Class. 3. c. 3. §. 20. indistinctè hoc asserit per text: Aur. Bull: Auch setzen und Ordnen / verbis: Allen seinen Geistlichen und Weltlichen Michursfürsten solche Wahl durch seinen öffentlichen Brief und Vorhen / soll verkündigen / cui tamen sequens. Wam es auch dazu directò contrariatur, ubi ita dicitur: Und wo der Erzbischoff vielleicht damit säumig / oder hinderläsig wäre / als dann sollen die Churfürsten aus eigener Bewegnuß unberufft / in Krafft und bey Ihren Treuen / die Sie dem Königreich schuldig sind / inner 3. Monathen in der oft genannten Stadt Franckfurt zusammen kommen einen König zum künfftigen Råyser zu erwählen. Optimè ergo Illustr. Dnus Præses, Cujus incomparabili ac stupenda Eruditioni, redditum in jurium publicorum prudentia nobis lumen unice debemus, in jure Publ. c. 1. §. 10. distinguit, utrùm Archi Officiales Imperii ad Electionem

Tertia Exceptio est, si ii non vocati, qui jure debuerunt.

Unde quæstio an Electio Imp. omnibus non citatis, idcirco annullatur.

ctionem Regis mortuo, an vivo Augusto convocentur. Priori casu citatio non est necessaria, sed potius Electores ad locum Electionis, etiam Moguntino intimationem negligente, proficisci tenentur, præsentesque per maiora absentibus, etiam non citatis, præjudicant. *Aur. Bull. §. Wann es auch dazu.* Cùm enim mortuo Imp. intra certum tempus ad alium certo loco eligendum, ex ipsa dispositione legis se sciant obligatos, certè, si non comparent, eo ipso renunciâsse iuribus suis, præsentibusque sua suffragia dedisse censendi sunt: Posteriori casu omnes & singulos convocari æquum est, ita, ut neglectâ ejusmodi citatione, electio jure nulla dici ac declarari possit, quia, quoties solennitas à lege introducta deficit, ipso jure actus non subsistit. *Gail. 1. Obs. 124. num. 4. Buxtorf. in Diff. Aur. Bull. Concl. 18.* Quin contingere posset, ut tot essent electiones, quot eligentes. *c. 55. X. de Elect.* Et certè, plus obest unius Principis non vocati contemptus, quàm multorum contradictio: Petrus de Andl. *l. 2. c. 12.* Hinc quondam Rex Bohemiæ, cùm vocatus non esset ad Electionem, eam improbare & jus suum armis vindicare voluit, sed interpositione reliquorum motus Electionum postea ratam habuit. *Reinking. l. 1. Class. 3. c. 3. §. 25. & seqq.*

*Solvitur
questio an
serò veniens
pluralitatē
suffragiorū
facere possit.*

§. 29. Alia adhuc difficultas est, an, qui citatus quidem, sed serò veniens medio tempore accessit, adhuc ferre sententiam pluralitatēque suffragiorum facere queat? Ubidistingendum videtur, utrū ille accesserit re integra, v. g. intra tempus deliberationi præfixum, quo in casu, quoniam Ejus est jus deliberandi & suffragium dandi usque ad finem illius temporis definiti, procul dubio hoc jure adhuc gaudebit: quin, licet suffragia jam lata & calculi subducti essent ante lapsum illius temporis, quod præfinitum erat suffragiis ferendis, nihilominus suum adhuc suffragium, si fortè momentum in eo fuerit, addere potest, quia ipsi in illo senatu in omnibus causis jus suffragandi integrum est. Si verò post tempus præfinitum & re non amplius integrâ accesserit, cùm jus suffragandi finitum sit, sententiam quoque non feret. Exemplum vid. apud Plutarchum in *vita Ca-*

ron,

ron. Maj. in causa Lollii, cujus etiam in sect. 2. §. 9. mentionem fecimus.

§. 30. Et hæc de Collegiis, ubi non singuli, sed Collegium tantum attenditur, sunt intelligenda, aliter autem in judicibus delegatis & arbitraris obtinet, ubi major pars præsentium nequidem valet, etiamsi omnes fuerint citati, nisi & omnes adsint, quia tot sunt iudices, quot fuerunt delegati. l. 39. de re jud. Et omnibus commissum est arbitrium, cujus fines transiri non debent. l. 17. §. f. de Rec. Arbitr. Accedit, quod nec partes aliter possint obligari, nisi ex tenore compromissi, consenserunt autem in plures, adeoque & hi omnes arbitrari debent. Quamvis usu sufficere putent Doctores, ut omnes citati sint, uti Bursius ad l. 16. de Rec. Arbitr. contra Cz. p. 1. c. 1. D. 14. Quam tamen Bursii sententiam jus Canon: quod in Processibus sequi solemus, approbat. Cæterum, si præsentis omnes fuerint, invicem verò dissenserint, sine dubio pluralitas suffragiorum servabitur. l. 39. de re jud. Cap. causam. de Officio Deleg. Feder. Consil. 1. n. 2. verb. Præterea sive dicamus & num. 3. verb. Præterea ad hoc.

§. 31. Porro nec plurium suffragiis statuitur in iis negotiis, quæ Decisioni Collegii cujusdam non subjacent. Mev. p. 4. Dec. 210. n. 3. & seqq. frustra enim de computatione suffragiorum quaeritur, quando dispositio non valet. Uti, si majores statuunt, quod juri N. ac divino contrarium est, quo casu tantum abest, ut major pars vincere debeat, ut ipso jure nullum sit quod agitur, eoque potius cedere majorem minori oporteat, quod & fœdere inter Athenienses & Peloponnesios erat cautum: Id valere, quicquid major pars sociorum decrevisset, NB. nisi quod Deorum vel hominum impedimentum intercederet. Thucydides 5. p. 298. Idem juris est, quoties id à plurima parte defenditur, quod Legibus ipsius Universalitatis repugnat. Ita Universalitas, licet pluribus suffragiis possit facere, ut quis admittatur ad Consilium, non tamen potest uno invito communicare suffragium ei, qui jus suffragandi non habet: Abbas quest. 1. Colum. 20. verb. Non tamen puto. Tusc. Conclus. 15. verb. Major pars nil operatur.

D

§. 32. Ta-

Uti in causa
Religionis.

§. 32. Tale etiam negotium est causa religionis ac conscientiae, ubi non statim quaeritur de eo, quod forte ex utilitate Reip. major pars concludit, sed quod cujusque conscientiae ac fidei, seu animo satisfacit, cum suorum quisque facinorum redditurus sit rationem *Rom. 14. v. 12.* Quamobrem Thuanus *l. 22.* ait. *Capita controversa non secundum suffragiorum numerum, ut in Civilibus causis fieri consuevit, deciduntur, sed juxta divini verbi regulam ac praescriptum sanciantur:* Ad hæc suffragia majora locum tantum habere possunt in negotiis societatis civilis, quæ ab arbitrio humano dependent, à quibus, cum diversa plane sit causa conscientiae & religionis, utpote, quæ causa Dei ac in ejus solius potestate est, & ad normam tantum S. Scripturae dijudicanda, *per text. in Cap. Relatum. Distinct. 38. & Cap. Vino inebriantur. Distinct. 37.* mirum non est eam ab hac regula excludi; Imò, cum totum gratiae divinae negotium cum nullo hominum, sed solo Deo intercedat, quanta societatis humanæ audacia foret, de interno sanctissimoque summi Creatoris Cultu, & de hominis animo ac conscientia, quæ ne in ipsius quidem arbitrio est, per majora quid constituere, & secundum hominum opiniones & deliria Dei honorem metiri: Vid. latè Reinking. *de Regim. Eccles. l. 3. Class. 1. c. 4. §. 20. & seqq. & Limn. Enucl. l. 4. cap. 72. §. 48.*

Hoc quoque

observatur de Regni subsid. & oner. Subd. c. 2. n. 19. in Comitibus Imperii nullum vulgatius axioma est, quàm in causa fidei majora suffragia non obtinere, idemque in c. 6. n. 53. scribit, quosdam ex Electoribus & principibus Imperii anno 1598 fisco in Camera Imperiali se opposuisse, idè quòd plura suffragia in causa religionis dissentientes non obstringant, in qua Sententia & Mauritium S. Electorem fuisse ex Sleidano *l. 24.* patet, qui & idem illud de Protestantium Oratore Pontano & Philippo Magnanimo Hasliæ Landgravio asserit *l. 17. p. 42.* ferturque ultimus Eorum ita Granvellano respondisse: In fidei negotiis non est considerandum, quid maxima pars opinetur, sed quid verum sit. Sleid. *l. 17. §. 112.* Confirmant id quoque *Rec. J. de anno 1530. in fin. pr. ibi.* Und eines jeglichen gurdüncken und

§. 33. Quamobrem, teste Wahremundo ab Ehrenberg *de Regni subsid. & oner. Subd. c. 2. n. 19.* in Comitibus Imperii nullum vulgatius axioma est, quàm in causa fidei majora suffragia non obtinere, idemque in c. 6. n. 53. scribit, quosdam ex Electoribus & principibus Imperii anno 1598 fisco in Camera Imperiali se opposuisse, idè quòd plura suffragia in causa religionis dissentientes non obstringant, in qua Sententia & Mauritium S. Electorem fuisse ex Sleidano *l. 24.* patet, qui & idem illud de Protestantium Oratore Pontano & Philippo Magnanimo Hasliæ Landgravio asserit *l. 17. p. 42.* ferturque ultimus Eorum ita Granvellano respondisse: In fidei negotiis non est considerandum, quid maxima pars opinetur, sed quid verum sit. Sleid. *l. 17. §. 112.* Confirmant id quoque *Rec. J. de anno 1530. in fin. pr. ibi.* Und eines jeglichen gurdüncken und

Mei-

Meinung sich selbst in Liebe und Gültigkeit zu hören / und zu erwegen / die zu einer Christlichen Wahrheit zu bringen / und zu vergleichen / & R. J. 1545. S. Und sollen solche *ibi*. Und hierinn allein auf die Ehre Gottes und wahre Christliche Religion und *Information* der Kirchen sehen : & paulo post : Nach Böttlicher und der Alten Väter H. Schrift und Lehre. Nec aliàs in Comitiiis opus foret deliberatione, cum certum sit, quamlibet partem secundum rationes suæ religionis suffragia laturam, eoque Pontificii, utpote numero potiores, semper prævalerent, quod & Evangelici in Comitiiis Ratisbon. an. 1613. proposuerunt: Daß Sie in Sachen den Religions-Frieden betreffend / durch die *majora*, die der ander Theil, im Fürsten Rath ohnzweifel für sich hat / und jederzeit nach seinen Willen machen kan / sich nicht gefährlich binden und von Land und Leute und aller Wollfahrt *vortheil* lassen könten. Idemque ad gravamina illa pars adversa respondit. Man wuste woll / daß in gewissens Sachen die *Majora*, nicht gelten. Limn. Enucl. l. 4. c. 72. §. 49. 51.

§. 34. Quod diximus de causa religionis, idemetiam obtinet, quando quidem causa directò religionem non concernit, attamen per indirectum intervenit religionis negotium, aut, ubi diversæ religionis præjudicium & intempestivus plerumque Zelus, quasi conscientiæ ratio, præponderare potest juris æquitati, uti, si inter Catholicos & Reformatos de eo disceptetur, quod ut fiat, vel ne fiat, alterius partis ob prædictum Zelum interest, hoc casu, quoniam certum est, quemlibet in partem suam religionis opinione inclinatum, reliquis Evangelicos numero longè superantibus, æquissimum certè est, ut victoria ab unanimi consensu dependeat, nec numero suffragiorum deferatur : Illustr. Dn. Præf. Jure Publ. c. 20. §. 36. n. 2.

§. 35. Alii adhuc addunt, majora nec tunc valere, quando majorem numerum efficiunt ii, quos ex Lege vel consuetudine tanquam suspectos sententiam ferre non oportet. Sed hæc distinctio parùm placet; Vel enim suffragia per modum judicii feruntur, quo casu suspecti suffragium suspendere & do quidam discede- in Collegio suspecti sunt.

discedere debent è iudicio, ne opus sit, vulneratà demum causà remedium quærere; vel ex libero arbitrio, & tum de suspecto non quæritur: uti in Collegiis, ubi libimet ipsi quis suffragium dare potest. *Limn. l. 1. c. 14. §. 16.* Ita nonnunquam Patris suffragium filio, & fratris fratri prodest *per l. 5. §. 6. ff. Quod Cujusc. univers. nom.* quia in publicis negotiis vinculum societatis domesticæ, & fictio illa Juris, quod Pater & filius habeantur pro una persona, non attenditur. *Brunn. ad l. 6. ff. Quod cujus. univers. nom. n. 3.* Tale etiam est Collegium Electorum, ubi cuius suo se suffragio nominare licitum est, id quod ex *A. B. c. 2. §. f.* satis constat, cujus hæc sunt verba: *In casu, quo 3. Principes sive absentium nuncii quantum ex se, seu ipsorum Consortio, videlicet Principem Electorem vel absentem in Regem Romanorum elegerint, vocem Illius Electi, si præsens fuerit, aut nunciorum ipsius, si Eum abesse contingerit, plenum vigorem habere & eligentium augere numerum, partemque majorem decernimus constituere, ad instar cæterorum Principum Electorum:* Ita Elector Palatinus Rupertus, cum Moguntinus, Trevirensis & Coloniensis suffragia sua in Eum contulissent, suæ Electioni consensienti Imperator electus est. *Buxtorf. ad A. B. th. 39. lit. A.* Idem de Sigismundo refert *Dubrav. lib. 23. Histor. Bohem. Add. Limn. Enucl. l. 1. c. 14. §. 16.*

*Afferuntur
plures casus,
ubi majora
non valent.*

§. 36. Plures quidem adduci hic possent exceptiones, ubi nulla pluralitatis suffragiorum habenda esset ratio, ut, si majoris partis Electio, vel contra aliquam Imperii consuetudinem, vel in Reip. præjudicium vergeret: *Gylman. Decif. Cam. 8. n. 20.* vel si per Eam Leges forte fundamentales subverterentur, aut privatorum jura, veteresque & publicæ utilitatis causâ receptæ consuetudines abolerentur. *Limn. Enucl. l. 4. c. 72. §. 50.* Vel denique, si ex jure & statuto speciali aliud introductum sit. *Puffend. l. 7. c. 2. §. 16.* sed, cum nimis longum hoc foret, omnesque quæ supersunt exceptiones, modo Eas secundum supra memoratas regulas metiamur, decidi facile possint, earum tractatione supersedebimus.

*Sequitur
questio, quo
modo com-*

§. 37. Postquam ergo satis superque vidimus, in bene constitutis Rebusp. unicum & necessarium omnis deliberationis

onis finem esse pluralitatem suffragiorum, discutienda ta-^{putatio ma-}
 men prius quam Colophonem presenti sectioni addamus, ^{joris partis}
 hæc erit quæstio: Quomodo computatio majoris partis faci-^{facienda,}
 enda sit. Multi DD. hîc statuunt, perinde uti fructus &
 commoda pro rata rerum ac jurisdictionis dividuntur, ita &
 suffragia computari æquum esse, quos inter est Felden. *in*
not. ad Grot. l. 2. c. 5. §. 17. verb. Habent autem omnes. Et ipse
 Grotus in *Cap. 5. §. 22.* qui putat, Sententias pro rata seu
 proportionemensoria, id est Geometrica esse decidendas:
 Sed uterque aberravit. Quando enim res inæqualibus par-
 tibus communicata est, tum res vel fructus quidem com-
 mode dividi solent, quia sunt res dividuæ & ex qualibet par-
 te nascuntur, secus autem hoc est in suffragiis, quæ personæ
 in hærent, & quæ unus naturaliter pro parte ferre nequit,
 quia sunt res individuæ, nec partes habent; quoties verò res
 individuæ pluribus competunt, cuique eæ competunt in so-
 lidum, adeo ut si 2. concurrant in jurisdictione & unus forte
 sextantem, alter dextantem rei habeat, hic tamen invito
 & non consentiente altero, suo suffragio nil quicquam mo-
 liri possit, quia suffragium est res individua, & licet pluri-
 mi concurrerent, valet tamen regula, quod in re communi me-
 lior sit ratio prohibentis. Multa quidem passim apud Histo-
 ricos extant exempla, quæ solidam illam acutissimamque Il-
 lustris Dni Præsidis sententiam infringere videntur, sed om-
 nia hæc facili negotio, dummodo penitus inspecta fue-
 rint, componentur: Suffragia enim, vel ex pacto descen-
 dunt, & tum nullum est dubium, quin pacta, quemadmo-
 dum in aliis legem dant negotiis, ita & hîc uni aut alteri
 plura suffragia concedere possint; aut vero suffragia præter
 suam naturam non personis, sed terræ in hærent, quâ ratione
 pro modo terrarum aut jurisdictionis numeranda quoque esse
 suffragia nullus dubito. Priori casu convenit, quod Strabo
 memorat apud Grot. *d. l. 2. c. 5. §. 22.* Lybicam nimirum &
 3. vicinas urbes, cum in unum quasi corpus coivissent, inter
 se convenisse, ut aliarum singula essent suffragia, Lybicæ
 bina. Similiter Philippo Macedoni post confectum Phocense
 bellum

bellum concessum fuit, ut gemini suffragii jus usurparet: referente id Diodoro Sicul. 16. 61. Quòd autem pro modo ac magnitudine terrarum suffragia quoque sæpius computentur, hoc in ipsis Principatibus videre est, ubi, qui plures Principatus possidet, plura quoque inter Principes suffragia habet: Ita in præsentatione Patronorum, si quis habeat dimidiam juris Patronatus, & alii decem aliam dimidiam, præsentatio facta ab habente dimidiam & ab uno ex decem alterius dimidiæ tantum attenditur. Federic. *Conf. 1. num. 3.* Et Tuscl. *Concluf. 14. Major pars multa operatur §. 18.* Quod adeo verum, ut non tantum geminari, sed & dividi suffragia possint; uti si v. g. territorium, cui inhæret suffragium, dividatur: quo tamen casu non tam hoc suffragium divisum, quam reliqua geminata intelliguntur, vel non erit pro suffragio, nisi uterque conveniat, & quasi pro una persona habeatur: Ita & in Canonicatibus suffragia semper dividuntur, quando sc. non personæ sed Canonicatui jus suffragii cohæret, isque fortè in divisionem venit.

Unde quaeritur, quomodo Collegiorum in Comitibus suffragia inter se sint computanda

§. 38. Atque hac occasione non inepte itidem indagatur, quomodo in Comitibus tria Collegiorum suffragia inter se sint computanda. In hac verò quæstione omnino distinguenda sunt causæ, in quibus unanimia requiruntur, videlicet causa religionis & alia negotia Ecclesiastica, de quibus. §. 32. 33. 34. hoc enim casu singuli Electores & Principes viritim spectantur, Prælati verò minores, qui populum repræsentant, nec Principum numero sunt adscripti, ut & Comites ac civitates ratione scamnorum seu Curiarum voluntatem suam declarant: Illustr. Dn. Præs. *In jure Publ. c. 20. §. 15. & seqq.* Si verò causa talis non sit, collegialiter, non ut singuli spectentur, planè alia suffragia Colligendi atque computandi est attendenda ratio. In Senatu enim Electorum ordo suffragandi in *A. B. tit. 4.* à Carolo IV. præscriptus observatur, ut scilicet, si votis omnium exploratis, nec omnes, nec plures consentire contingat, secundâ, tertiâ & tot vicibus suffragia denuò exquirantur, donec vel omnes conspirent, vel major saltem pars decidat: Autor *der Grundfest* p. 2. c. 4.

Colle-

Collegio autem Principum, licet Prælati, Comites & Barones accenseantur, Ill. Dn. Præf. d. c. 20. §. 27. alia tamen horum, alia illorum suffragia ferendi ratio est. Principes enim proprio jure comparent, Prælati vero Clerum, Comites & Barones reliquum populum immediatum repræsentant, unde facile colligere est, Principum vota viritim exquirenda esse, hos autem, perinde ut populum, quem repræsentant, per curias tantummodo suffragia dare. Etenim absurdum foret, si Prælati ac Comites, sub quo Collegio etiam continentur Barones, suffragia viritim ferrent, cum Principes numero longe superent, adeoque multitudine Sententiarum omne Principum jus ad se trahere possent: Doctissimus Conring. *Diff. de Comit.* §. 50. & *Limn. Jur. Publ. tom. 5. n. 143.* Hi ergo secundum suas curias vota colligunt, donec ex conciliatis singulorum Principum, binis Prælatorum, 4. Comitum votis Illustri hujus Collegii conclusum redundet. Deniq; etiam Civitates exploratis singulorum sententiis, bina suffragia, quæ ratione duorum Scammorum, Rhenensis & Svevici, ipsis competunt, ita conciliant, ut unum inde decisum proveniat: Quod si jam tria illa collegia sigillatim, vel per majora, vel per unanimia Conclusum quoddam conceperint, tum unum quodque suffragium suum confert, ut appareat, quid Electorum, quid Principum, quid Civitatum denique Collegio placuerit. Vel jam 3. hæc Collegia inter se conveniunt, & fit Conclusum Imperii, vel duo suprema tantum consentiunt, & tunc iterum res est expedita, cum perinde ut in aliis Collegiis, ita & hæc per majora concludi necesse sit.

§. 39. Quod si vero 2. priora Collegia diversam sustineant sententiam, maxima oritur contentio, an suffragium Civitatum alterutri assentiens majora reddere possit? Et faciendum utique est, primo intuitu videri mirum, tantam Civitatum arbitrio tribui Autoritatem, ut in Principum, quin summorum Imperii Archiofficialium præjudicium suffragio uti queant. Attamen omnis planè difficultas cessabit, modo consideremus, quòd, ut antiquis temporibus Comites ac Barones, ita adhuc hodie Civitates populum, qui ipse convenire

*Civitates, si
vel cum Ele-
ctoribus, vel
cum Prin-
cipibus con-
sentiant, uti-
que plurali-
tatem effici-
unt.*

venire non potest, repræsentent. Cùm enim forma Imperii nostri partim Mouarchica, partim Aristocratica, partim verò Democratica sit, ea sanè non patitur, ut soli Principes, Comites & Barones jure Comitiorum gaudeant, sed omnes vel per se, vel per Principes & superiores suos Comitiorum capaces sint, præsertim, quoniam ab immemoriali tempore, interruptâ nunquam serie observatum fuit, ut populus in deliberationibus quoque ac Consultationibus Imperii adhiberetur, id quod solidissimè demonstrat Ill. Dn. Præf. in *Jure Publ. c. 7. & c. 14. §. 4.* Peucerus quidem in *Complem. Chron.* alique decernendi facultatem Civitatibus denegant & consulendi tantùm jus relinquunt, sed quàm erronea sit hæc opinio, latè demonstrant Ludovic. Gremp. & Hieronymus zum Lamb in *Confil. der Ehrbahren frey-und Reichsstädren Session, Stand und Stimme belangend* / item Knipschild de *Privil. Civit. Imper. l. 2. c. 2.* Cur enim Status Imperii nomen vilius debiliusque esset in Civitatibus, quàm in aliis Proceribus, cùm æquè sint Augusti illius Comitiorum Collegii status ac membra, & proinde æquale etiam jus suffragiorum cum cæteris habere debeant? Arum. in *Aur. Bull. Discurs. 1. Concl. 8.* Ad quid in formulis illis, quibus Status ad Comititia vocantur, Civitatum mentio fieret, uti tamen fit in *R. J. de anno 1555. circa fin. §.* Und wir Beordnete & *R. J. de anno 1551. §.* Und wir Churfürsten? Vid. Reinking. *l. 1. Class. 4. c. 20. §. 30. & seqq.* Rarò quidem accidit, ut Civitates in Electorum & Principum suffragiis non acquiescant, sed inde inferri nequit, ipsis jus contradicendi non esse, cùm diversa sæpius proposuerint & etiam toties ab Electoribus ac Principibus dissenserint, de quibus fusius videri potest Limn. *Enucl. l. 4. c. 1. §. 14.* Hodie ea de re vix amplius dubitatur, postquam Pace Osnabr. *art. 8. §. 4.* fuit constitutum, ut tam in Universalibus, quàm particularibus conventibus, Imperii civitatibus, non minùs quàm cæteris statibus suffragium decisivum competeret, tametli suffragia Earum regulariter effectu destituantur, cùm Electores & Principes, si fortè inter se disconveniant, tot Re- atque Correlationes, ut vocant, adhibeant, donec inter se
conci-

concilientur, ne necesse habeant suas sententias Civitatum Voluntati atque arbitrio subicere. Conring. *Diff. de Comit.* §. 53. Et tantum de pluralitate suffragiorum!

SECTIO II.

De Parilitate Suffragiorum seu Calculo Minervæ.

§. I.

UTi tutius ac salutaris est Reip. ut minimum 3. per-*Transitio.* sonæ in Universitate constituentur, ita id Collegiorum quoque ratio requirit, quia 3. faciunt Collegium, &, si semel constitutum, unus sustinet, uti Jcti loquuntur, ut eò citius negotia ac lites ad finem perducantur, illaque suffragiorum parilitas evitetur; Quod & probè Pontificii in *Cap. 1. Cap. pen. X. de Arbitr.* observârunt, eamque ob causam constituerunt, ut necessariò vel unus, vel tres, adeoque impari numero eligerentur arbitri, ne negotium maneret indecisum. Jcti verò Romani in *l. 17. §. 6. ff. de Rec. Arbitr.* videntur quidem, difficultatem aliquam obstare, quo minus arbitrium in duos collatum valere possit, *quoniam res ob naturalem dissentendi facultatem exitum invenire non posset*, sed eo non obstante, nihilominus pares numero arbitros admiserunt, addito tamen hoc remedio, ut, si forsan hi 2. inter se dissentirent, tum Prætor eos cogeret, ut tertium quendam, qui illorum controversias dirimere, atque in omnem eventum decidere posset, eligerent. *d. l. 17. §. 6. inf.* Sive autem ab initio impar in Collegio quodam, sive par numerus constitutatur, quoniam tamen sæpe accidit, ut unus aut alter absentia aut alia justa de causa jure suo uti impediatur, (cujus proinde jus merito accrescit præsentibus: Grot. *l. 2. c. 5. §. 20.*) eoq; ipso paria iterum reddantur suffragia, operæ pretium erit, paucis delibare, quid sublatâ illa imparilitate in dubio sit decernendum.

E

§. 2. Hanc

*Aequalita-
tem Suffra-
giorum Graeci
vocarunt
Calculum
Minervæ.*

§. 2. Hanc autem suffragiorum parilitatem Doctores vocant *Calculum Minervæ*, unde & hæc rubricâ præsentem sectionem notavimus, quanquam apud Græcos Minervæ calculus propriè id genus numeri aqualis in variantibus sententiis vocetur, quo reus absolvitur: Böclerus *Diff. de Calculo Minervæ*. Antequam ergò ad explicationem hujus rubricæ, cur scilicet (1) Calculus (2) Minervæ Calculus dicatur, progrediar, non male me facturum arbitror, si paucis varios suffragia ferendi modos, quibus cùm aliæ gentes, tum præcipuè Græci ac Romani usi fuerunt, attulerim, ostenderimque, quam ob causam apud Romanos calculi fuerint introducti.

*Mores suf-
fragandi a-
Alex. lib. 4. Dierum Gen. c. 11. ubi uno quasi intuitu omnium
pud Aiben:
Lacedæm:
Germani:
Macedones:*

§. 3. Egregiè autem hac in re viam sternit Alex. ab Alex. lib. 4. *Dierum Gen. c. 11.* ubi uno quasi intuitu omnium fere saniorum Gentium mores ritusque in colligendis suffragiis exhibentur; Apud Athenienses in frequenti Senatu pro cuiusque ætate sententias fuisse rogatas Autor est Herodotus l. 6. c. 6. Lacedæmonios maximis clamoribus voluntatem suam declarasse, suosque suffragatores misisse, qui animadverterent, cuius partis clamor vehementior esset, Thucydides, *Bell. Pelopon. lib. 1.* testatur. Unde Candidati per campum Comitiorum transeuntes, populi applausum captabant, Judices verò seorsim confidentes clamoris magnitudinem diligenter observabant, & cui plures acclamassent, is vincebat competitores. Vid. Beierling. *Theatrum Vite Hum. lit. C. pag. 3 11. Col. 2.* Germani verò murmure ac fremitu dissentiebant, framearum contrâ ac telorum concussione & sono armorum & tripudiis consensum indicantes. Alex. ab Alex. d. 1. Tac. de Mor. Germ. c. 11. *inf.* Apud Macedones quoque in usu fuit, ut, quoties in publica consultatione quid improbarent, hastis scuta quatientes obstreperent. Curt. lib. 10. c. 6.

*Romani pri-
mum voce
suffragia fe-
rebant.*

§. 4. Contrâ Romani in ferendis suffragiis ac sententiis sæpius variarunt: Primis enim temporibus, tam in Curialis quàm Centuriatis Comitibus Voce suffragia ferebant, & pro varietate Comitiorum varia quoque suffragiorum erat ratio. In Comitibus enim Magistratuum rogabantur singuli, quem

quem Vellent Magistratum creari Asconius Ped. *In Divin.*
 & Alex. ab Alex. l. 4. c. 3. cujusmodi suffragii formula vide-
 tur fuisse, quæ est apud Liv. l. 10. l. 24. l. 29. HUNC VEL ILLUM
 CONSULEM NOMINO, DICO. Vel etiam rogati simpliciter
 personam nominabant; si verò Leges condendæ essent, popu-
 lus consentiens his verbis utebatur: VTI ROGAS (id est,
 uti rogat Legislator, ita Volo) Dissentiens verò utebatur
 solenni Voce, ANTIQVO: Eademque Verborum solennitas
 locum quoque in Comitibus judiciorum habuit: Voce enim
 ANTIQVO absolvebatur reus, verbis VTI ROGAS con-
 demnabatur, teste Alex. ab Alex. d. l.

§. 5. Animadvertente autem Pop. Romano, sententi-
 am non tam liberam, nec ab inimicitiarum metu immunem
 esse, si ore, quàm si alio modo, feratur, cum qui honoribus
 ac dignitatibus cæteros anteeunt, plus voce, quàm punctis
 seu Tabellis haud dubiè possint, testante idem Alex. ab A-
 lex. d. l. his verbis? *Ne qua invidia oriretur, & quò magis li-
 bero animo vota impertirent, cautum fuit, ut non voce, sed pun-
 ctis suffragarentur:* Idcirco quatuor LL. Tabellariæ, Gabinia
 in Creandis Magistratibus, Cassia in judiciis, Plin. l. 3. Ep. 20.
 Papyria in ferendis Legibus, & denique Lælia in perduellio-
 ne, (quippe quam Cassia exceperat) fuerunt constitutæ, vi
 quarum, non voce, ut antea, sed magno cum silentio suffra-
 gia dabant: Gruch. de Comit. Unde & tabellas has *Vindices
 Tacite Libertatis* Vocat Cic. in Orat. Agraria 11. & Lib. de LL.
 Et in Oratione pro Cornelio Balbo: *Principium justissimæ liber-
 tatis.* Modus autem suffragandi is erat: In Comitibus Magi-
 stratum tabellis Candidatorum nomina inscribebantur, un-
 de tot populo tabellæ dabantur, quot Candidati erant: No-
 tabantur autem in tabellis non integra Candidatorum no-
 mina, sed primæ tantum literæ, uti videre est apud Cicer.
 pro Domo qui scribit: *Quendam fraudem facere voluisse, ita ut
 Prætor renunciaretur interversa adilitate, idque potuisse, si modò
 prima litera Competitorem habuisset aliquem:* Id est, si nomen
 alicujus qui Præturam petiisset, initium habuisset ab ea lite-
 ra, à qua nomen illius fraudulentum: In Comitibus verò Le-

*Postea tabel-
 lis usi fuere.*

gum & judiciorum 2. tabellæ dabantur, quarum uni insertum erat, VTI ROGAS, duabus tantum primis literis, V. & R. alteri verò inscriptum erat, A. id est, Antiquo : Priori populus accipiebat Legem vel reum condemnabat, posteriore verò legem repudiabat vel absolvebat reum. Vid. latè Sigonius *de jure Antiquo Vett. Rom.* & Onuphrius in *Imperio Rom.*

*Aliquando
m. perinde
ut Græci
Calculos ad-
hibuerunt.*

§. 6. In gravioribus autem causis Romani secuti sunt Græcos : Hi enim quemadmodum in omnibus judiciariis, ita maxime in criminalibus, in eo occupati fuere, ut libere & sine invidiæ metu mentem quisque suam aperire ac declarare posset. Quamobrem antiquissimis temporibus non voce aut hastarum sonitu sensa animi exprimebant, sed suffragia nigris & albis fabis ferre consueverant, unde & *fabis vixtare* dicebatur, quibus hinc erat quæstus : Erasmus *Chil. 1. Cent. 1.* Postea autem adhibebant Calculos, condemnatorios alios, alios absolutorios, quos in 2. urnas, quarum altera *αἰέη*, id est, misericordiæ, altera *θάνατος*, id est, mortis Cadiscus vocabatur, summo cum silentio immittebant, ut sciri minime posset, quinam cujusque calculus fuisset : *Scholast. Aristoph. in Vespas.* Hos ergo imitati fuere Romani, & aliquando tabellis, uti ex præced. §. & inprimis ex insigni illo loco Propertii, l. 4. *Eleg. 12.* apparet :

*Mi natura dedit Leges, à Sanguine ductas,
Nec possum melior judicis esse metu.*

*Qualibet austeras de me fert urna tabellas :
Turpior assensu non erit ulla meo.*

Interdum verò, & inprimis extra Romam, calculis quoque usi fuerunt teste Alex. ab Alex. l. 3, c. 4.

Duplices erant Calculi re ; alii perforati & nigri, qui condemnabant, alii albi & integri, qui absolvebant : quare ita Ovid. *Metam. l. 15.*

*Mos erat antiquus, niveis atrisque lapillis :
His damnare reos, illis absolvere culpa,
Nunc quoque sic lata est sententia tristis, & omnis
Calculus immitem demittitur ater in urnam,*

Qua

*Quæ simul effudit numerandos versa lapillos
Omnibus è nigro color est mutatus in album,
Candidaque Herculeo sententia munere facta
Solvit Alemoniden.*

Quemadmodum enim aliàs semper albo colore, non Romani tantum, sed aliæ etiam gentes, læta & auspicata significarunt, indeque lætos dies albis, lugubres verò & infautos nigris calculis notârunt. Macrob. l. 1. Satur. c. 15. Alex. ab Alex, l. 4. c. 20. nigrum adeò colorem ominosum maximè judicantes, ut docet Horatius. l. 1. Serm. Sat. 4. cum ait:

Hic niger est, hunc Tu Romane caveto

& Pausan. in Græc. l. 8. c. 34. dum Orestis furentis atras, com-
valescenti albas apparuisse furias tradit: Ita hîc quoq; absolu-
tioni, utpote quæ jucunda admodum est, albos, tristi verò
ac funestæ condemnationi nigros lapillos tribuerunt. Unde
& interdum loco lapillorum alborum cretâ, tanquam candi-
da, loco nigrorum verò atro carbone usi fuerunt. Sic enim
Horatius l. 2. Serm. Satyr. 3. inquit:

Quorsum abeant sani? Creta, an carbone notandi?

Et Persius Satyr. 5.

*Quæque sequenda forent, & quæ vitanda vicissim:
Illa prius cretâ, mox hæc carbone notâsti.*

Confer. Dœpler. Theatr. Pœn. & Supplic. p. 15. & seqq. Meursius
In Areop. 61. Joh. Pfeiffer Antiquit. Græc. l. 2. c. 30. & cap. 29.
Beierling. Theatrum vite hum. lit. S. p. 141.

§. 8. Postquam ergo jam ratio constat, cur suffragia
nomen Calculorum induerint, discutienda erit altera rubricæ
nostræ pars, cur nimirum æqualitas suffragiorum dicatur
Calculus Minervæ? Debet autem illa originem fabulæ, quæ
apud Euripidem in Oreste & Electra, & apud Aeschylum in
Furiis tractatur: Clytemnestra enim, Agamemnonis Uxor,
maritum reducem ope adulteri Aegysthi interemerat, idem-
que fatum Oresti puero imminabat, nisi Electra Soror clam
servatum educari curâisset. Is ergo adultus, Patris necem,
occisâ cum Aegystho matre, vindicavit: Hujus parricidii no-
mine, cum accusantibus Furiis, judicantibus Areopagititis, in

*Cur parili-
tas suffra-
giorum di-
catur Cal-
culus Mi-
nervæ.*

Areopago causam diceret Orestes, damnantesque uno suffragio vincerent, Athenas profugit, & à Minerva supplex impetravit, ut Illa suum Calculum absolventibus apponeret, quo ipso, quem majora antea vota condemnassent, paria jam vota absolverunt, teste eodem Euripide *In Iphigenia Taurica*, ubi Minerva pristinae benevolentiae adhuc admonens Orestem, Legem hanc in posterum futuram dicit v. 1268.

Καὶ τοῖσι λοιποῖς ὁ δὲ ἰόμος τεθήσεται

Νικᾶν ἴσας ψήφοισι τὸν φοίγοντ' αἰὲν

Et Cateris lex ista promulgabitur,

Ut usque paribus Calculis Vincat reus.

Ut proinde facile hinc appareat, non eum, quem quidam describunt, esse Calculum Minervae, quando paribus punctis unum accedit, sed hunc demum, quando paribus numero suffragiis reus à poena criminis liberatur, quod ipse Orestes apud Euripidem in *Iphigen. Taur.* confirmat, ubi recensens Deorum beneficia, Minervam paria sibi suffragia fecisse gloriatur: Conf. Diss. Böcleri de Calculo Minervae.

Semper hoc
à plerisque
Gentibus ob-
servatum, ut
paribus suf-
fragiis reus
absolvere-
tur.

§. 9. Neque vero in Oreste tantum hoc contigit, sed jus hoc certatim quasi ab omnibus gentibus fuit observatum: Ita Mars, cum homicidii reus fieret, & coram rigido illo Areopagitarum judicio accusatus esset, judicantibus 12. Diis, à 6. Condemnatus, à 6. absolutus fingitur: Alex. ab Alex. l. 3. c. 5. & l. 4. c. 11. & l. 6. c. 11. Cælius Rhodig. 7. 19. Philip. Melanchthon. In *Epit. Philos. Mor.* Quoniam, ut Augustinus de *Civitate Dei* ait, ubi paris numeri sententiae fuissent, praeponi absolutio damnationi solebat. Idem de Carliolano refert Dion. Halicarn. l. 7. c. 59. Et simile prorsus exemplum est apud Plutarch. In *Vita Catonis Uticensis*, ubi in causa scribae, criminis falsi postulati, cum uno calculo absolventes vincerentur à damnantibus, M. Lollius Quæstor per causam valetudinis absens, lecticâ allatus, absolventem lapillum adiecit, reumque damnationi eripuit. Elegans hanc in rem locus est apud Cic. In *Oratione Miloniana*: Non sine causa, inquit ille, fictis fabulis doctissimi homines memoria prodiderunt, sum, qui Patris ulciscendi causâ matrem necavisset, variatis bo-

minum

minunt sententiis, non solum divina, sed etiam sapientissima Dea
sententiâ liberatum. Idem testantur Seneca l. 3. Controv. 2. Fi-
lius à Patre parricidii condemnatus paribus votis absolutus: Et in
Ep. 81. Reus paribus Sententiis absolvitur, & semper, quicquid du-
bium est, humanitas inclinât in melius. & Paulus in lib. 4. sen-
tent. 12. & 5. Inter Pares, inquit, sententias Clementior severiori
semper præfertur. & certè humana rationis est, favere miseri-
cordibus, & prope innocentes dicere, quos absolute nocentes præ-
nunciare non possumus.

§. 10. Variæ quidem rationes, cur absolutio paribus *Naturalis*
calculis obtineat, passim à Doctoribus afferri solent, sed ad *ratio hujus*
modum leves ac frivolas, scilicet, quod reus præ animi per- *sententiæ*
turbatione se satis defendere nequeat, quodque damnatio in- *cõstit in eo,*
justè facta non possit corrigi, absolutio autem vel nocentem *quod res*
emendet, vel denuo peccanti pœnam reservet; Inde enim *tam diu*
nec rei innocentia, nec criminis, de quo manifestò constat, *maneant in*
impunitas deduci potest. Vera ergo ratio est, quod prior *suo statu, do-*
rei status condemnatione mutetur, absolutione maneat, adeo- *nec mutatio*
que nihil agatur: Cum verò major tantum pars novi aliquid *accedat.*
facere & statum priorem mutare possit, sequitur, si pares sint,
nihil agi, sed priorem rei statum manere, id est absolvi: Hu-
ic similis aliquatenus est ratio, quam Grot. l. 2. c. 5. §. 18. &
Puffend. l. 7. c. 2. §. 17. adducunt, quod nimirum, si ad muta-
tionem non satis momenti adsit, atque par pondus velut æ-
quilibrio rem suspendat, in paribus suffragiis nihil agatur, se-
cundum communem regulam, quod omnis res tamdiu ma-
neat in statu suo naturali, donec mutatio accedat; quem-
admodum enim Philosophi loquuntur: *Nihil movetur, nisi ab*
alio moveatur, ita & hæc nulla lis dirimi, nec pœna infligi pot-
est, nisi ab iis, qui litibus finiendis, pœnisque injungendis
præsumt. Hi ergò, cum æquale ab utraque parte jus habe-
ant, si invicem contrariis suffragiis se consumant, nemoque
super sit, qui suo calculo reum condemnet, delictum qui-
dem, si quod est, manet impunitum, non tamen ideo, quoni-
am melius est nocentem absolvi, quam innocentem con-
demnari, sed quoniam omnis pœna naturaliter requirit con-
demna-

demnationem, hæc verò alios, qui condemnent, Non possunt autem videri condemnasse suffragantes, qui sibi invicem contradicendo, paribus suffragiis fecerunt, ut nihil actum fuerit.

*Quæ postea,
sequitur pa-
ribus suffra-
giis Electio-
nem omnem
annullari.*

§. 11. Et hæc ratio non tantum in condemnatione reorum, sed aliis quoque rebus ac negotiis locum habet, eumque Romani quondam in mandandis Magistratibus condendisque legibus sanctissime semper observarunt: Si enim paria essent suffragia, nemo Consul, Prætor, Censor renuntiabatur, sed, quasi nihil actum esset, aliarum Centuriarum suffragia expectabantur. Similiter in Legum Comitibus, si plures ab una parte tabulæ non reperirentur, sed æqualia utriusque partis suffragia essent, nulla Sententia prorsus pronunciabatur: Gruchius de Comitibus & Merula Operibus variis Posthumis p. 21.

*Idem atten-
ditur in Ele-
ctione Regis
Rom.*

§. 12. Hinc ergo apparet, quid in Electione Regis Romanorum, si pars una in hunc, altera in alium Imperatoriam dignitatem conferre velit, sit decernendum. Equidem in hac quæstione, licet facili, Doctores maxime inter se dissentiant: Quidam enim opinantur, quod hoc casu alter alterum cum exercitu in agro Francofurtensi expectare, & vel prælio adversarium vincere, vel sponte alter alteri cedere debeat, quale certamen fuisse inter Henricum Thuringiæ Landgravium & Conradum Frid. II. filium, ita inter Guntherum Comitem Svartzburgicum & Carolum IV. referunt Matth. Dress. de Urbibus Germ. in Descript. Urb. Francofurt. p. 56. 57. Alii, inter quos est Henricus Zöllner / Disp. de Reg. Rom. Elect. Concl. 11. inf. litem à duobus istis, pari calculorum numero ad Imperium vocatis, privato duello dirimendam esse putant: Sunt denique qui in hoc casu utrumque Electum ad Imperii administrationem promovendum esse arbitrantur; uti Gæden Tract. de Elect. Reg. Rom. c. 7. n. 3. Sed quis non videt, inveteratos hos potius errores, quam rationabiles opiniones fuisse? Verissima ergo omnium ea est sententia, quæ juxta tit. 2. Aur. Bull. à Majori parte Electum ad Imperium admittit, paribus autem suffragiis Electionem ipso jure

jure nullam denuòque repetendam pronunciat. Rejiciendi ergo meritò ii quoque sunt, qui, quoties dubia electio est, Papæ approbationem, propter *Cap. Venerabilem X. de Elect.* expostulant, cum tamen nihil ille in Imperio Romano, nisi unice ex liberalitate & beneficentia Imp. possideat: Illustr. Dn. Præf. *Jure Publ. c. 6. per totum*: multò minùs quoddam jus in Electione Regum Romanorum, quod semper Procerum & Populi Germaniæ fuit, Dn. Præf. *In Jure Publ. c. 14. §. 3.* sibi arrogare possit. Conf. Doct. Conring. in *Diss. de Imp. Rom. Germ. §. 45.* Et Goldast. *tom. 3. Constit. Imper. pag. 469.* Neque verò in hac dissensione Regis Bohemiæ ex partes sunt; Magnoq; errore Veterum quidam antiquo illo Rythmo de Eo prædicarunt:

Ich bin der Fürsten Dymann /

Wan man nicht eines werden kan: 2c.

Etenim præter suffragium in Electione nihil juris ullibi ei permissum apparet: & nec Capitulationibus interest. *Capitul. Ferdin. III. §. 7. 9. 11. 13. 24.* quo sensu semper G. tantum Electorum fit mentio: Dn. Præf. *d. c. 14. §. 5. & c. 12. §. 12. c. 19. §. 10.* Ut proinde, si pars una in alterius sententiam ire nolit, alia rursus Electio facienda sit, nec antea Archioffici ales Imperii dimittantur, per *Aur. Bull. tit. 2. §. 3.*

§. 13. Atque hoc quoque fundamentum est, quo Cz. & Cujac. *Obs. 11. 35.* nixi paritate suffragiorum pro possessore decidendum esse statuerunt, quòdque Camera Imperii quoque, referente Autore *Decis. vel Præjud. Cameral. apud. Gylmann. in verb. inhibitio, vers. Inhibitio etiam decreta &c.* approbavit: Cum enim ibi de removendo quodam ab Officio, alioque in locum ejus surrogando deliberaretur, convenienter juri N. & G. decretum est, ut paribus suffragiis nihil actum intelligeretur, sed possessor in suo officio permaneret, non solum, quòd hæc benignior sit sententia, adeòque non inmeritò præferenda per *l. 7. §. 1. de Restit. in integr. l. 4. in f. de eo quod certo loco. l. 10. ff. de Inoff. testamento Mev. ad jus Lubec. l. 1. art. 5. num. 36.* sed ideo præsertim, quia removendus in possessione erat & officium gerebat, proindeque pa-

An pro possessore sit judicandum.

ria suffragia nullam mutationem inferre, nec citra injuriam officio privare alterum posse Cz. *Dec. Illustr. § 2. §. 35. & seqq.*

*Melius est,
ut, quid in
paribus suf-
fragiis tenen-
dum, ali-
quo defini-
atur.*

§. 14. Cæterum, ne propter paritatem suffragiorum aut reus impunitus evadat, aut bene meritus à fascibus Reip. arceatur, aliæque negotia irrita reddantur, incumbit omnino legislatori talem facere legem, quæ incertas judicium sententias certas reddat, nimirum, ut in hujusmodi casu decisio negotii (quod regulariter fieri in Electionibus solet) sorti committatur: Mev. ad Jus Lub. l. 1. tit. 1. art. 2. n. 35. Alibi statutum est, ut illa pars prævaleat, cum qua Præses aut Senior Collegii facit, uti in Lusitania hoc observari testatur Anton. de Gamma *Dec. 1. n. 12.* & in Senatu Pedemontano Anton. Tessaur. *Dec. 1. n. 13.* Ita, cum Nobiles inferioris Alsatiae pacto Mergenthalienſi d. 28. Jun. 1651. reliquis Imperii nobilibus accederent, hi optimè sibi prospexerunt, ut, quemadmodum ante illam unionem propter imparem trium circularum numerum certa semper negotiorum decisio per majora fuit, ita & post illam, non attento quod quartum Nobilibus Alsatiae concessum esset suffragium, paribus tamen suffragiis sola trium circularum major pars attenderetur. v. Confirm. Ferd. III. *der zwischen des Reichs Ritterschafft getroffenen Conjunctur sub 10. Jun. 1652. §. zum Andern* quæ lege non sancitâ, suffragia tam diu repeti debuissent, donec imparia facta, quod tamen multò difficilior fuisset, tum ob communem hominum obstinationem, tum quia ignominiosum multis videtur facillè mutare sententiam. Svet. *In Jul. c. 14. & Puffend. de Jure N. & G. l. 7. c. 2. §. 17.*

SECTIO III.

De Diversitate suffragiorum.

§. I.

Transitio.

Quamquam in prima sectione satis superque demonstratum sit, nullam bene constitutam Remp. subsistere, nec decidi negotia posse, nisi numerus potius suffragiorum, quam ratio hujus vel illius sententiæ atten-

attendatur; in secunda autem sectione in enodandis dubiis, quæ ex parilitate suffragiorum oriuntur, longi satis fuimus, quoniam tamen sæpe contingit, ut nec majora, nec paria ab alterutra parte suffragia adsint, sed diversæ prorsus à singulis quandoque pronuncientur sententiæ, paucis, quomodo hæ inter se computandæ sint, explicandum superest: ubi quæstio statim sese offert, an singulæ seorsim numerandæ sint, ita ut illa pars vincat, quæ plura reliquis suffragia habuit, an verò duæ pluresve, licet diversæ, sententiæ conjungi debeant, ut tertia, quæ magis adhuc distat, elidatur, eaque extincta, illæ ita inter se comparentur, ut ea demum, cui alterutra per legitimam consequentiam assentit, quæque plura hoc modo suffragia habet, potior sit.

§. 2. In hac Illustri quæstione decidenda ab omni ævo tam Veteres, quam hodierni Icti, & jurium præsertim Naturalium Indagatores maximè occupati fuerunt, sed quò magis operam ac laborem huic rei præstiterunt, eò longius à vera casuum istorum decisione aberrârunt. *Refutantur rationes Grotii, Puffendorffii, Cujacii.*

Immortales ergo meritò gratias debemus Illustri Dn. Prasidi, quòd in intricatissima hac materia, in qua tot Viri Eruditissimi hallucinati sunt, tam clarum lumen nobis suppeditaverit. Equidem Viri magni, Grotius, Puffendorffius, Cujacius, alique, ad conciliandas hujusmodi dissidenres sententias, distinguunt inter suffragia, quæ totis rebus differunt, v. g. mors, exilium, carcer, & illarum alterum partem alterius continet, seu quæ differunt tantùm quantitate: Verùm, quanquam hæc distinctio aliis in locis usum fortè aliquem præbere possit, præsentī tamen quæstioni illustrandæ nīl quicquam conferet, cū illā non attentā, eadem nihilominus in utrisque maneat decisio.

§. 3. Rectius ergo duæ sequentes Regulæ ponuntur, *Dua pontes quibus, quasi Principiis ac fundamentis, tutò inniti, difficilē sunt re- līmasque objectiones facili negotio labefactare possumus. gula.* Nimirum, cū in omni judicio hæ sint primariæ quæstiones, primò, an reus condemnandus, dein in quantum, apertè liquet, Juris esse Naturalis (1) ut Damnantes omnes jungan-
tur

tur contra absolventes, & (2) si plures condemnantes in genere pœnæ dissentiant, jungantur ii, qui propius idem sentiunt: Reus enim in iudicio vel absolvendus est, vel condemnandus, alioquin illud exitum non haberet: Non potest autem absolvi, si plures, etsi diversis pœnis, condemnent, quoniam juxta §. 4. *scilicet*. 1. nulla naturalis ratio subest, cur plures paucioribus cedere debeant: nec, si diversæ pœnæ dissentiant, potest condemnari, nisi una ex iis intelligatur, in quam omnes consentiant, & sic plures condemnantes contra pauciores absolventes conjungantur, etsi in genere pœnæ dissentiant.

*Rejicitur
Pontificis
error in cap.
1. de Arbitris in 6to.*

§. 4. His positis primo statim intuitu non convenire sibi ipsi Bonifacium in *Cap. 1. de Arbitris in Sext.* animadvertimus, ubi tres iudices constituit, unum, qui reum in 15, alium, qui in decem, & tertium, qui in 5. condemnaverat, huiusque, qui de minori summa dixisset, sententiam efficacem esse judicat, additâ hac ratione: *Quasi in illa omnes concordēs existant.* Hoc si verum esset, idem statuere quoque debuisset & in priori casu, ubi indubie omnes quoque consensere in 5. Quod si verò naturalem rationem sequimur, minimè illi hæc decisio videtur congruere: quia 2. sententias, quibus unus tantum adversatur, rejicit, eam verò, cui duo contradicunt, amplectitur: Potius ergo media retinenda hîc est sententia, reusque non in 5. vel 15. erit condemnandus, quia duo sunt, qui vel majori, vel minori pœnâ reum afficiendum esse statuunt; sed tantum in 10, quoniam minor summa continetur sub majore, & qui majorem summam sustinuit, si suam non attendi sententiam videat, in mediam potius, quàm in levissimam, quæ longius a sua recedit, consensisse videtur. Sed dixeris, eandem Pontificis sententiam defendere etiam Ictos nostros Romanos, quod apparet ex *l. 27. §. 3. de Rec. Arb.* At illi tamen sibi constant & semper minimam præferunt tanquam jus positivum & benignius, cum semper fuerint ad absolvendum propiores. *l. 47. de O. & A.* Ut proinde hoc tam certum sit, quàm quod certissimum, si & prior casus, ubi duo in 10. condemnaverant, unus verò tantum in 5. Ictis nostris propositus fuisset, eos non cum Pontifice in 10, sed in 5. eadem ratione ductos, condemnatos fuisse. §. 5. Hinc

§. 5. Hinc apparet etiam, quid statuendum sit in casu *Explicatur*
 illo, quem Gellius *Noct. Att. l. 9. c. 15.* refert, quique juveni *locum Gellii.*
 quondam vano ac jactanti propositus, ἀπορος seu inextrica-
 bilis planè videbatur : E. g. Tres judices morte reum puni-
 unt, duo alii exilio, duo reliqui pecuniâ : Non immerito hîc
 quæritur, qua pœna afficiendus ille reus ? Mortis pœnâ pu-
 tat Gellius : Nos dicimus pœnâ exilii, in quam plures con-
 senserunt : A pœna enim mortis 4. mitioribus suffragiis fuit
 absolutus & tribus tantum condemnatus : Pœnâ pecunia-
 riâ duo tantum contenti fuere, graviolem 5. judices dictârunt;
 Sanè igitur in pœnam graviolem exilii plures consenserunt,
 & ad hanc itaque pœnam pluribus omnino suffragiis fuit
 condemnatus : Nec obstat, quòd pœna mortis ab exilio toto
 genere differat : Nam, licet pœna exilii non formaliter sub
 pœna mortis contineatur, uti numerus minor sub majore,
 tamen ratio eodem est, perinde ac si reducatur æstimatio pœ-
 narum ad numeros, & mors sit ut 100. exilium ut 50, multa ut
 20, plurimi in 50 consentiunt, quia & ille, qui in 100 conde-
 mnat, in 50 consentit, & qui mortis pœnâ dignum habuit re-
 um, eundem multò magis exilio dignum judicabit.

§. 6. Similis casus est apud Quintilianum *Declam. 365.* Ubi *Sollicitur ca-*
 7. constituti judices, quorum duo condemnabant in infamiam, *sus Quinti-*
 duo Exilium, tres mortem volebant. At quis non videt, mediæ *liani.*
 pœnæ denuo hîc esse locum, nec tres illos rigidiores, quamvis
 separatim spectati numero sint potiores, attendendos esse cum
 quatuor mitiores adsint, nec infamiam quoque infligendam,
 cum 5. graviolem pœnam statuerint ?

§. 7. Huc etiam spectat controversia illa, quæ est apud Plin. *Illustratur*
l. 8. Ep. 14. Interfecto nimirum Afranio, cum incertum esset, an, *locum Plinii,*
 an suorum manu periisset, quæstio movebatur libertis : Hos alii *contra Gro-*
 supplicio liberandos, alii in Insulam relegandos, alii morte pu- *tium.*
 niendos arbitrabantur : Plinius tantam hîc esse sententiarum di-
 versitatem existimat, ut non possint esse nisi singulæ, & parvu-
 lum referre, an idem displiceret, quibus non idem placuisset, a-
 deoque divilis plane sententiis libertos esse absolvendos ; Sed
 quam longè hoc in casu Vir ille Consularis & cum eo Grotius
l. 2. c. 5. §. 19. qui ea propter mirum in modum Ipsum extollit, à

vero

vero aberraverit, ex dictis §. 3. regulis abundè constat: Duæ enim hic fuerunt quæstiones, primò, utrùm liberti Afranii absolvi essent, an conde-
mandi? Dein quâ pœna efficiendi? Quantum ad primam quæstionem, cer-
tum est, eos omnem effugere pœnâ non potuisse, quia una tantùm sententia
absolverat, duæ condemnauerant, & ergo de prima hac quæstione non po-
tuit dubium esse, sed tantùm de altera, quæ pœna præferenda: Igitur, licet
in modo pœnæ dissenserint, omnes tamen consenserunt, liberos delictum
commisisse, pœnamq; meruisse: Contradictio enim est, reum absolvendum
esse, quem plures deliquisse censuerunt ac damnarunt. Quod vero gravita-
tem pœnæ attinet, sanè, qui capitis sententiam dixerant, præferri neuti-
quam potuerunt, cum ut ipse Plinius d. l. ait: *Dua sententia vitam relinque-
rent, una adimeret*, ut proinde necessariò relegantium sententia obtinere de-
buerit: Quamvis enim secundùm Plinium & Puffend. nihil commune ha-
beat occidere & relegare, non magis, quàm relegare & absolvere, quatenus
tamen pœna est æstimatio delicti, minor æstimatio continetur sub majore,
& ille, qui in plus condemnat, procul dubio cum eo, qui proximè ad hanc
pœnam accedit, hæc. convenit, & sic eareus aliquam certè propinquitatem
inter has duas pœnas, occisionem nimirum & relegationem interce-
dere posse statuimus.

Explicatur §. 8. Similem plane controversiam affert Polyb. *Excerpt. legat. 129.* Cum
locus Polybii enim quidam Achæi Romæ captivi tenerentur, & quid iis fieri placeret, ad
Senatum referretur, itum fuit in 3. diversas planè sententias: Pars enim om-
nes, alii nullos, reliqui quosdam dimittendos esse censebant. Hic ergo,
cum postrema sententia duas priores vincat, rectè inquit. Polybius, non om-
nes dimittendos esse: Paucissimi enim omnes dimittendos esse putabant,
contraque eos duæ stabant sententiæ, quæ quidem differebant inter se, sed
in eo conveniebant, quod omnes dimittendi non essent, cui proinde senten-
tiæ meritò standum fuit. Plura hujusmodi exempla videri possunt apud
Cujacium *Obs. 12. c. 16.* qui licet sinistrè plerumque decidat, hisce tamen
positis ac perpenſis omnia facilè solventur.

Romani di- §. 9. Cæterùm in Senatu Romano moris erat, ut, si quis sententiâ suâ
videre sole- duas pluresve res complecteretur, quarum una forſan probaretur, altera
bant senten- verò displiceret, tum quivis Senator, qui non in universum approbasset,
tias. postulandi haberet facultatē, ut sententia divideretur, hoc est, ut de singulis
rebus referretur, testante id Seneca *Ep. 21.* his verb. *Quod fieri in senatu solet,
faciendum ego in Philosophia quoque existimo. Cum censuit aliquis, quod ex parte
mihi placeat, jubeo illum dividere sententiam & sequor.* Et Festus de V. S. *Numera,*
inquit *Senatum: Quivis Senator Consuli cum impedimento vult esse, quò minùs fa-*
ciat Senatus consultum, postulatque ut aut res, quæ afferuntur, NB. dividantur, aut
simul consulantur: Add. Cic. *Epist. fam. l. 1. Ep. 2.*

Conclusio. §. 10. Plura quidem in hac amplissima materia addi possent, sed ne ter-
minos Disputationis excedam, hic subsisto. Tibi interim Immortali ac Beni-
gnissimo Numini devotissimas ago gratias pro tot immensis beneficiis,
quibus in hunc usque diem me cumulasti, ut salvus ac sospes
studiis meis Academicis imponere poterim

F I N E M!

ANT 1318124